



安徽通志

ル 5  
1575  
16



凡 5  
1578  
17



重修安徽通志卷五十三

輿地志

古蹟

六安州

盛唐故城今州治漢縣也漢書武帝紀元封元年冬南巡狩至  
 於盛唐舊唐書地理志開元二十七年改霍山為盛唐仍移治  
 於騶虞城寰宇記六安縣本春秋時楚之灄縣地在漢為盛唐  
 縣屬廬江郡武帝南巡狩登灄天柱薄樅陽作盛唐之歌縣西  
 二十五里有盛唐山因為名隋改為霍山縣唐開元二十七年  
 復曰盛唐從舊名也梁改為灄山縣晉天福中改為來化縣宋  
 開寶初廢盛唐為六安仍併霍山縣入焉

按晉改來化  
說詳沿革

六縣故城在州北皋陶之後封此春秋文公五年楚人滅六左

傳楚子變滅蓼注六與蓼皆皋陶後也史記楚昭王五年吳伐楚取六秦置六縣屬九江郡漢元年項羽大司馬周殷叛楚以舒屠六又漢立黥布爲九江王都六武帝元狩二年封膠東王寄子慶爲六安王國後漢爲六安侯邑屬廬江郡建安十四年廬江人陳蘭等據潯六以叛曹操遣張遼擊平之潯卽今霍山縣也晉復爲六縣東晉末縣廢水經注泚水東北過六縣東括地志故六城在壽州安豐縣南一百三十里隋屬霍山縣地亦曰騶虞城唐開元中改霍山縣爲盛唐縣仍移治於此南唐改爲來化縣宋開寶初改爲六安軍元爲州治明初省寰宇記今縣北十三里有古城名六合城蓋卽六安之訛又云六城在舒城縣東南六十里按謂六城在舒城縣恐誤或僞置非故縣也白沙城在州北三十里寰宇記六安縣北有二古城一曰六合

一曰白沙上有皋陶廟州志又有東古城在州東南三十里西古城在州西十五里裴家灘又有新城在州東北十五里今爲新城寺

廣王城在州南百里高岑突起周遭如郭石跡尙存今爲寺

馬亭城在州北水經注泚水經馬亭城通典有馬頭城在盛唐

縣北州志今州有馬頭集疑卽馬亭城

古英氏城在英山縣東北界左傳僖公十七年齊人爲徐伐英氏史記封皋陶之後於蓼六一本作英六索隱曰英後改號曰蓼也舊志六安州西有英氏城蓋境相接也

潯縣故城在霍山縣東北春秋時楚潯邑左傳昭公二十七年吳使公子掩餘公子燭庸帥師圍潯又三十一年吳人侵潯六楚沈尹戌帥師救潯吳師還楚遷潯於南岡爾雅霍山爲南嶽

注即天柱山瀾水所出也漢置瀾縣屬廬江郡後漢及晉宋因之梁天監六年於瀾縣置霍州隋改置霍山縣而故縣廢括地志瀾縣故城在霍山縣東二百步舊志瀾縣故城在今縣東北三十里

岳安故城今霍山縣治魏書地形志霍州有岳安郡梁武置領安城義興二縣隋書地理志梁置岳安郡及岳安縣開皇初郡廢縣改名霍山唐開元二十七年廢入盛唐縣宋開寶四年省為故埠鎮元設巡司明宏治七年分州西南開化興賢二鄉於鎮置縣即今治縣志州南迤百里有土城為舊時霍山縣治邊城左廢郡在州西宋書志南豫州邊城左郡文帝元嘉二十五年以豫部蠻民立領夷水邊城等縣大明八年省為縣屬弋陽郡後復置齊省入安豐郡後又復置魏書地形志霍州邊城

郡治麻步山寰宇記廢邊城郡在六安縣西一百九十八里縣志麻埠鎮在縣西南九十里即故麻步山也

霍州舊治在州南五十里霍山縣界梁置

淠水廢縣在霍山縣東北梁僑置新蔡縣併置北沛郡隋開皇初郡廢改新蔡置淠水縣以淠水而名屬廬江郡唐初廢

開化廢縣在霍山縣北劉宋置屬邊城左郡齊屬安豐郡魏屬西邊城郡隋屬廬江郡唐貞觀中省入盛唐縣寰宇記廢開化縣在六安縣西四十里明初為開化鄉宏治七年分屬今縣

魯班門樓在霍山縣南四十里縣志作西四十里

弩臺在州西南四十里相傳漢武帝試弩於臺下

仙人臺在英山縣吳山之坎世傳有仙飛昇於此

瀾臺在霍山縣威遠門外五里古城西突兀中流石狀如臺有

觀瀾亭下臨大河石壁上鐫小赤壁三字

釣魚臺在霍山縣西三十里縣志作四十五里石生水濱若臺然相傳

為左慈釣魚處

梳妝臺在霍山縣南五十里東流河即仙女臺世傳宋南遷有

尼飛昇在此

段秀實故宅在州響山今為響山寺

英布故宅在英山尖墓在尖下碑瑩尚存

釐街即霍山縣南十字街相傳為漢武輦道又有拜郊臺在縣

南門內亦漢武登封祭告之所

汪立信讀書處在州東龍穴山廣福寺舊有龍山書院

焦家莊在州西二十五里七里岡前宋狀元焦煥故居又有萬

卷堂在霍山上舊傳煥讀書處按選舉志焦煥作焦陷

董靖寨在州南百二十里相傳宋紹興間里民董靖避兵處

章山寨在英山縣西北明崇禎十二年知縣高在崙以舊縣焚

燬立寨作新城於此

英山故寨今英山縣治宋淳祐間立鷹山寨咸淳初更名英山

因立為縣屬安豐軍尋廢德祐二年三吳鄉人段朝立請以羅

田縣東界直河鄉重立為縣明崇禎十二年移治縣西北章山

十六年又移治縣北添樓鄉

國朝順治初始還舊治

石門關在英山縣東九十里

柳林關在英山縣北四十里

道士沖在霍山縣西九十里道士徐隱元修真於此

第十泉在州龍穴山頂龍池方五十尺水味香甜又新品為

天下第十泉

玉虹泉在英山縣西北三十里太平橋石壁鐫此三字並有石刻題咏

落淚洪在霍山縣西四十里有孝子昇櫬至此泣盡繼之以血龍爪石在州城西巨石臨水上鐫龍爪二字點畫遒勁大如斗

諺云龍爪見狀元出

螺螄店塔在霍山縣西北五十里高九丈宋元祐間建老子鶴跡在英山縣北四十里羊角山頂石上指爪宛然唐高祖時老子降此

天成石曰在霍山縣東二十里復覽山頂宋末戍守於此

凌霄樹在霍山上相傳為漢武帝手植

泗州

臨淮故城在州治本隋徐城縣舊唐書地理志長安四年割徐城南界兩鄉於沙塾淮口置臨淮縣開元二十三年移治郭下宋景德二年移治徐城驛為泗州屬縣元復還舊治明初省元豐九域志臨淮縣在州北六十里州志唐臨淮故縣在汴泗橋西今沒宋臨淮故縣在州北六十里今名臨淮鎮

徐縣故城在州城西北周時徐子國尚書費誓淮夷徐戎並興春秋昭公十三年吳滅徐徐子章禹奔楚楚注徐國在下邳僮縣東南漢置徐縣為臨淮郡治後漢屬下邳國晉仍屬臨淮郡劉宋時省梁武僞置高平郡及東平陽平清河歸義四縣東魏併四縣置高平縣治大徐城隋初郡廢縣屬泗州開皇十八年改高平縣曰徐城括地志大徐城在徐城縣北三十里元和郡縣志徐城縣東至泗州五十里舊理大徐城大業四年移於今

理宋建隆三年省為鎮入臨淮寔字記大徐城即古徐國也周十二里一名薄薄城又名故故城州志隋徐城縣在州城北五十里今為徐城廟古徐城在州東北八十里

高平故城在州北漢河平二年封王逢時為高平侯國屬臨淮郡後漢省寔字記吳城亦名高平郡城在舊徐城北三十里東臨通濟渠陳太建六年陳將吳明徹於此置高平郡隋開皇四年郡廢金史地理志臨淮縣有吳城鎮縣志有城兒頭集在州北一百十里即古吳城也

朱沛故城在州西北梁置朱沛修義安豐三郡東魏武定七年改置朱沛縣屬高平郡後周併入高平縣縣志在故徐城西北六十里其地有朱沛水故名  
淮平故城在州西二十里宋史地理志紹興二十一年泗水地

入於金因析臨淮縣地置淮平縣後亦入於金僑名盱眙縣為泗州治明昌六年復曰淮平元廢州志在州西二十里

高冢城在州西北寔字記魏義興郡城也在徐城縣西北七十里平地梁以為興安郡領高冢城屬東徐州高齊初廢

巉石城在州西北一百二十里巉石山州志梁天監時築

瀝橋城在州西北寔字記在徐城縣西南二十五里梁天監二年築置成南臨瀝水橋故名

古屯城在州西寔字記在徐城縣西南八十五里陳太建五年吳明徹於此置堰斷淮水以灌濠州緣此築城又淮南招義縣界有一城臨水南北相對亦同時築名為屯城

拖城在州北三十里久廢又半城在州北九十里南北朝時置李干城在州西北寔字記在徐城縣西北三十里後魏熙平元

年李干於此築城置戍因名

南重岡城在州西北寔宇記在舊徐城縣西北九十里通濟渠南一里平地隋大業八年移置重岡縣於此緣重岡山爲名十年築城隋末廢

僮縣故城在廢虹縣東北秦縣漢書灌嬰攻下相以東南僮取慮是也屬臨淮郡後漢永平元年封沛獻王子嘉爲侯國屬下邳郡晉宋至魏皆因之梁武帝普通五年徐州刺史成景雋克魏僮城齊周時廢水經注僮水首受僮縣西南僮陂東北流逕僮縣故城北寔宇記僮城在縣東北七十里明統志又有僮都城在縣北一百二十里卽漢之取慮縣

夏邱故城在廢虹縣東一里漢置縣寔宇記堯封禹爲夏伯此其故邑也縣因以名東晉初廢東魏復置夏邱縣於今治後齊

置夏邱郡尋移置潼州於此陳太建六年將軍樊毅克齊潼州是也後周爲宋州治亦曰夏邱縣唐武德四年分置虹縣於古虹城六年廢夏邱縣貞觀四年移虹縣治焉水經注淮水又東逕夏邱縣南

盱眙故城在今縣東北盱眙山之麓淮水之濱本秦縣阮昇之南兖州記盱眙本春秋善道邑左傳襄公五年會吳於善道史記秦二世二年項梁立楚懷王孫心爲義帝都盱眙許慎曰張目爲盱舉曰爲眙城居山上可以矚遠故名漢置盱眙縣屬臨淮郡王莽改曰武匡後漢屬下邳晉初又屬臨淮義熙中置盱眙郡劉宋以後因之寔宇記縣在淮河南元學士曹元用重修縣治碑記盱眙縣舊寓慈氏山麓延禧庚申遷築東嶽行祠之右泰定四年縣尹李克中以縣治卑隘又遷臨淮府舊基卽今



治也縣志又有漢王城在縣東北三十里相近又有霸王城小兒城相傳皆項氏立義帝屯兵處或以為漢縣治此

考城故城在盱眙縣西南晉義熙七年改盱眙縣為郡分置考城直瀆陽城三縣屬焉宋齊魏因之隋初廢考城入盱眙縣志有古城在縣西南六十里接滁州來安縣界

淮陵故城在盱眙縣西北漢置縣屬臨淮郡後漢屬下邳國晉初仍屬臨淮郡永嘉後廢寔字記古淮陵城在招信縣西北二十五里縣志在縣北八十五里今為淮陵鄉

睢陵故城在盱眙縣西漢置睢陵縣在今江蘇睢甯縣界劉宋泰始中沒於魏因於淮南僑置宋志盱眙縣有睢陵縣宋末立是也尋復置濟陰郡後魏改縣曰睢陽改郡曰濟陽屬楚州尋復故北齊改縣曰池南尋復曰睢陵後周又改曰招義隋開皇

初郡廢大業初又改縣曰化明屬鍾離郡大業末縣民馬簿據縣自號化州後楊益德殺簿自稱刺史又分置濟陰縣唐武德七年仍改縣曰招義貞觀元年州廢省濟陰以招義縣屬濠州寔字記縣在州西五十一里古濟陰城在縣東二里北帶長淮宋泰始二年築置濟陰郡北齊河清三年水溢淹廢因於城西二里築城移郡理之即今縣城唐初復於故濟陰城置濟陰縣尋廢宋建隆四年割屬泗州太平興國元年避諱改曰招信屬泗州建炎四年屬濠州紹興四年還屬泗州十一年改屬天長軍十二年屬招信軍元至元二十年併入盱眙縣志睢陵城在縣西五十里

富陵故城在盱眙縣東北漢置縣屬臨淮郡後漢廢史記高帝十一年淮南王黥布反東擊荆王賈賈走富陵即此括地志故

城在盱眙縣東北六十里

焦城在盱眙縣西梁天監二年魏元澄南寇將軍王燮保焦城魏黨法宗等攻拔之進破淮陵卽此

直瀆城在盱眙縣南晉義熙中析盱眙縣置屬盱眙郡宋齊及梁因之隋初併入盱眙

公路城在盱眙縣西北寘宇記在招信縣北六十里北帶淮水後漢建安中袁術所築公路袁術字也

魯縣故城在盱眙縣南魏書地形志淮陰郡有魯縣北齊廢寘宇記廢魯城在盱眙縣南三十里

奔精城在盱眙縣西南寘宇記在招信縣南六十里相傳是蠻奔精王所築唐武德二年置睢陵縣四年廢

龜山城在盱眙縣東北三十里宋文帝築縣志作魏太武築以拒魏隋

置濟陰縣卽此

九山城在盱眙縣西北魏書地形志鍾離郡朝歌縣有九山城千秋故城今天長縣治唐天寶元年析江都六合高郵置以時

當明皇誕日故名七載更名天長縣志舊有甌城明初移其塼甍改建揚州城而縣惟存土城今東城外市三面皆有遺趾

東陽故城在天長縣西北秦置二世時陳嬰爲東陽令史漢高帝六年以故東陽郡屬荊國元狩末以縣屬臨淮郡後漢屬下

邳國尋改屬廣陵郡晉仍屬臨淮郡陳廢括地志東陽故城在盱眙縣東七十縣志作六十里天長縣志在縣西北七十里故址尙

存俗謂之屈城

石梁故城在天長縣西北東晉置戍守處宋秦始中蕭道成破薛安都兵進屯石梁澗北議築壘其地是也隋書地理志梁置

東城涇陽二郡陳併二郡為沛郡後周改郡為石梁郡改沛縣為石梁縣開皇初郡廢改縣曰永福唐武德七年又置石梁縣貞觀初省元豐九域志天長縣有石梁鎮即故縣也縣志石梁城在縣西三十里俗名古城又有土城在縣東北三十里一名新城蓋齊時涇州治此或曰齊涇州在城門鄉

橫山故城在天長縣東南三十里梁置縣後周廢又有義城在縣南二十五里或曰梁時即於此置縣  
虹縣故城在五河縣西漢置埶縣屬沛郡後漢曰虹縣屬沛國東晉後廢梁武帝於此置貢城戍後魏復置虹城亦曰絳城陳太建五年吳明徹等克淮南絳城即此周大象中省顏師古曰埶音貢水經注渙水又逕虹城南元和郡縣志唐武德四年於今縣南百里故虹城重置虹縣屬仁州貞觀十三年移於夏邱

城即今虹縣而故城廢

五河故城在今縣南宋端平二年於五河口置隘使屯田淳祐四年呂文德敗元兵於五河復其城咸淳七年始置淮安軍併五河縣以淮滎澮沱潼五河合流而名舊有土城在縣南澮河南岸明永樂元年水圯徙治西北界嘉靖二十五年始遷澮河北即今治又宋淮安軍城在縣東北二十里澮河北岸俗謂之故軍城

銅城在天長縣西北四十五里相傳吳王濞築城於此鑄錢邊軍城在五河縣東宋末夏貴所築今為儒學

曹公城在五河縣南二十里明初曹國公李貞避兵淮西時所築

大屯城在五河縣南七里俗名大城坪又小屯城在縣西六里

重刊安微通志 卷五十三  
俗名小城坪皆宋末屯軍地

先春亭在州城東北隅宋張守建歐陽修有記

婁亭在廢虹縣東北左傳僖公十四年楚人敗徐於婁林杜注  
僮縣東南有婁亭僮蓋春秋時徐城也

玻璃泉亭在盱眙縣治東第一山下有亭覆焉爲十景之一宋  
張耒有詩其旁又有起秀亭亦名會景亭

牛搏虎碑亭在天長縣西郊外嶽廟今亭圯碑移於廟

挂劍臺在州北一百二十里寔宇記在大徐城北臨朱沛水相  
傳爲延陵季子挂劍處舊志有土阜類臺卽徐君墓也每水漲  
周圍浩渺此地不沒其里名掛劍鄉舊說或入於邳州或入於  
徐州皆誤也

八仙臺在盱眙縣東三里明統志上有八仙坐石坐處有石基

枰爲十景之一

望夫臺在天長縣西南三里相傳有女子望夫不歸立化爲石  
弩臺在盱眙縣東一里寔宇記宋元嘉中臧質守盱眙以拒魏  
師魏人造弩臺以射城中卽此

隋離宮在州北青陽鎮西十里相傳煬帝所建俗名花園

都梁宮在盱眙縣南寔宇記在縣西南十六里都梁山上周迴  
二里隋大業元年煬帝建離宮四十餘所此其一也十年賊孟  
讓於此置營宮遂廢宮之西有流杯殿釣魚臺四望殿其側有  
曲河以安龍舟大舸

翠屏堂在盱眙縣東玻璃門外起秀亭前宋陸游記方國家承  
平時邊郡游觀有雅歌之堂萬柳之亭而翠屏之盛又非雅歌  
萬柳之所可及也

直隸安微通志 卷五十三  
朱壽昌故里在天長縣東南四十里秦蘭鎮

韓信壇在州東七里寔宇記信屯兵處也

樂安鄉在廢虹縣東北漢書匡衡傳封僮之樂安鄉侯南以閩  
陌爲界初元元年郡國誤以閩陌爲平陵陌多田四百頃蘇林  
曰平陵陌在閩陌南也

蒲姑陂在廢虹縣北左傳昭公十六年齊人伐徐至于蒲隧杜  
注取慮縣東有蒲姑陂是也

瞿家灣鎮在州北七十里安河鎮在州東北六十里青陽鎮在  
州北一百三十里吳城鎮在州北百十里通海鎮李氏說泗州  
地皆金設也

竹垞在廢虹縣東北七十里淒河岸  
分金店在州西三十里相傳管鮑分金處

下阿村在天長縣東北下阿溪上接高郵州界卽晉時三阿唐  
光宅初徐敬業拒李孝逸於下阿卽此寔宇記唐開元二十九  
年於下阿村置千秋縣蓋本屬高郵唐時乃割屬也

三臺寨在盱眙縣西南三臺山宋建炎中劉綱保聚於此元末  
定遠豪王弼亦結寨其上

鮑家寨在天長縣南五十里又顏家寨在縣西四十里相傳皆  
是宋高宗南渡所築

李制使柵在五河縣東二里橫跨河口宋咸淳五年兩淮制置  
使李庭芝所立石基尙存橫跨河口水涸始見

水晶營在盱眙縣東南十里外連互數十里相傳隋煬帝設此  
麋駿在天長縣界博物記云東陽縣多麋食草根其處成泥名  
曰麋駿居人隨此駿種稻不耕而獲

浮山堰在盱眙縣城外梁天監中築堰遏淮水以灌壽陽南起

浮山北抵巉石極丁夫之力百計而成宋秦觀有梁堰賦

紅羅障在盱眙縣西七十里明太祖生時取水浴之忽有紅羅

一幅浮來即取以為襁褓後人因名其水

古鐵橋在五河縣東南二里淮河中流水涸時見兩旁有鐵柱

聖水在盱眙縣六十里相傳漢高祖禱山得水飲軍士於此因

名

支祁井在盱眙縣東北下龜山寺後即大禹鎖水神處有亭覆

其上縣志一名聖母井

了溝在天長縣東舊傳韓世忠於此破敵

第一山碑在盱眙縣堂東壁宋米芾書

秦橋山石在廢虹縣東陡門山產美石宋都汴時采石於此

重修安徽通志卷五十四

輿地志

壇廟

古聖王先成民而後致力於神祀典之設凡皆以為民也風雲

雷雨山川社稷先農諸壇民生之所瞻仰而庇賴報功崇德率

土攸同若乃法施於民以勞定國以死勤事禦大災捍大患其

有合於祭法者則各視郡邑之所宜而廟祀之

國家典隆祠享

治洽幽明諸所建修飭有司將事吉蠲春秋匪懈粢盛籩豆感格馨

香夫是以民和年豐而神降之吉也非是者謂之淫祀淫祀弗

福康熙五十年十二月丁卯

諭以除原有寺廟外其創建增修永行禁止舊志寺觀別為一門相沿

已久姑附錄之述輿地志壇廟

安慶府

社稷壇在府治正觀門外歲以春秋仲月戊日致祭

神祇壇歲以春秋仲月誦日致祭中設雲雨風雷之位左設本境

山川之位右設本境城隍之位舊在東郊為壇乾隆六十年布

政使周樽始建祠於龍王廟旁專祀風雲雷雨之神

先農壇在府城東五里雍正四年奉

敕建有藉田四畝九分歲以仲春亥日行耕藉禮咸豐中燬同治十三

年重築

文廟建置詳學校

關帝廟在府治集賢門內雍正三年奉

旨追封三代公爵春秋同日祭於後殿咸豐中燬同治十年重建

文昌廟在府治樅陽門內嘉慶六年奉

旨仿關帝廟一例致祭

城隍廟在府治鎮海門內同治八年前署巡撫吳坤修捐資重

修附吳坤修碑記國朝秦文恭公有言祈報之祭達於王公

惟城隍且其義其秩與社稷類而威靈赫濯奔走巫祝為民物

之保障官吏之所倚庇其功較社稷為鉅易泰之上六城復於

隍禮記天子大蜡八水庸居七水隍也庸城也此古者祭城隍

之所由始也安慶府城隍廟舊在康濟門內其神著績於元明

之閒國朝崇德報功血食罔替咸豐二年粵賊犯順廟燬於

火廳堂庶序鞠為茂草明禋弗共神恫民怨今

極海嶽向風萬神受籙諸將帥戮力同心進平江表遂清淮甸

余以菲材承乏茲土而兵燹迭經庶事草創官失其次吏曠於

野其何以揚偉績而垂永久既已鳩材課工作新廟宇凡百庶

尹奠安厥居於是推原古始考祭典之攸宜順輿情之所向記

曰功施於民則祀之城隍之始乃誦於水庸隆於廟之舊基而加

焉經始於七年之職志也爰乃誦於水庸隆於廟之舊基而加

奠以崇姓牢載薦令甲凡州縣城隍之制縣視伯州視侯府

視於神戰屢捷城賴以完於時余忠宣公宣慰淮西為請於朝

戰於神戰屢捷城賴以完於時余忠宣公宣慰淮西為請於朝

重刊安慶府志卷五十四輿地志壇廟

明年報下并神為王其號顯忠靈佑故自明至今仍舊稱云神  
既屢施於民民虔事神歲五月之望民以為神誕日也鼓吹前  
導與神而出士女錯禱祈恐後往歲盜竄楚北潛太告警余  
與神約戰守之宜封圻之任余與神當分任之未幾盜散去若  
有陰為助者吁神之威靈其信著矣哉廟既成因次第其事鐫  
之麗牲之石並繫以詞曰駢畫朝華堂既成而因次第其事鐫  
兮河目氣凜凜兮扶人綱而聽明驅除不祥於閭閻兮夕對酌兮  
孟漿通帝謂兮劫運平真居兮神式憑願我神兮終惠履豐  
澄清神降福兮劫運平真居兮神式憑願我神兮終惠履豐  
年兮祝神嘏龍兮擊鼓鏡鳴兮鬼跳舞鬼跳舞兮何為展令  
辰兮祝神嘏龍兮擊鼓鏡鳴兮鬼跳舞鬼跳舞兮何為展令  
正直兮執敢侮日將夕兮月橫波送神歸兮雲和酒載薦兮雙  
卷荷神樂飲兮朱顏酡千齡  
兮曼壽室門不肩兮神佑

龍王廟一在集賢門內乾隆三十二年巡撫高晉建嘉慶八年  
巡撫阿林保重修一在大龍山前明成化二十年建

國朝康熙十年知府姚琅修構亭於龍湫前曰雨蒼道光四年巡  
撫陶澍禱雨屢應重新其廟且即雨蒼遺址構浮澤亭以答靈  
貺咸豐中燬同治十三年重建

火神廟在樅陽門內

劉猛將軍廟舊在城東江畔為八蜡廟雍正七年遵建祀八蜡  
之神

詔祀劉猛將軍因并祀於內乾隆十年奉文停蜡祭稱劉猛將軍廟五  
十二年布政使陳步瀛重修後圯於水道光三年巡撫陶澍改

建於城東帥字墩四年恭奉

御書神參秉昇扁額 附陶澍記 古者八蜡有貓虎與昆蟲所謂昆蟲即  
載記如開元中貝州白鳥食蝗平州羣雀食好蚘乾祐中開  
封鶴食蝗見於西陽禱組漢實錄諸書又金史載河撒在定  
武山堂肆考載蕭修在秦州元成宗在揚州皆有羣鳥食蝗之  
異而蛙能食蝗故禁捕載於元成宗在揚州皆有羣鳥食蝗之  
淮間俗祀青蛙即祭昆蟲之謂矣雖然昆蟲固能食蝗類非所  
以能食者則非昆蟲如蛙而謂之謂矣雖然昆蟲固能食蝗類非所  
力所能驅遣則非昆蟲如蛙而謂之謂矣雖然昆蟲固能食蝗類非所  
戴君聰鳳陽府程君懷環督州縣捕道光四年夏鳳郡蝗類非所  
十一二日余偕藩臬諸公虔禱於省城劉猛將軍廟其時宿州  
之灰古堆蝗最甚知州蘇元瑤集民夫往捕但見青蛙無數食

重修後通志卷五十四 輿地志 壇廟 安慶府



蝗且盡又有鳥雀數萬名曰練朋鵲在懷遠西界食蝗均一日  
 而盡既得道府報因其事據實入告命臣謝恭製扁額懸之神廟  
 先御書神參兼界四大字命臣謝恭製扁額懸之神廟  
 陳公步瀛重修城東江畔正七年奉命臣謝恭製扁額懸之神廟  
 於城東三里帥字墩之西前大江而後龍山左右倚層阜為股  
 肱至是仰蒙賜扁復擴而大之規制益備歲以正月十  
 三日由藩司致祭冬後三戊日撫臣率屬報賽蓋即周禮蜡  
 祭時也洪惟我國家樹元陳樞太和翔洽偶有災青旋即消  
 殄至德之感孚無遠弗届而百神效命遂有莫之為而為者其  
 在詩曰田祖有神秉畀炎火秉畀者人而歸之於神者明神之  
 能使也然則蛙鳥之來非神之為而誰為之於神者明神之  
 彰明已安則蛙鳥之來非神之為而誰為之於神者明神之  
 揮劍驅蝗飛境外元亡自沈於河因封今號見於降靈錄而  
 怡菴稜錄謂宋江准制置使劉錡因驅蝗理宗時封揚威侯天  
 曹猛將之神二說皆可徵伏查大清會典主降靈錄故廟額  
 仍題劉猛將軍云

昭忠祠在學東嘉慶九年遵建祀從征教匪陣亡官弁兵丁鄉  
 勇

厲壇在集賢門外以上壇廟所屬

一在邑西關外一在太湖者舊傳  
 聞在太湖者惟肖命工倣而塑之

余忠宣公祠在府學東祀元右丞余闕以韓建李宗可配附祀  
 推官黃突倫以下二十二人皆從闕死節者又正觀門外忠

臣廟專祀余闕與烈夫人墓即在後附靳輔重修祠記忠義  
 之氣上貫日星下鍾河嶽非細故也是以聿追大節者必崇廟  
 貌而禮祀之豈僅曰報此孤臣哉蓋秉彝之良人所固有苟以  
 對越往哲而於瞻拜肅將之下輒多鼓動拔起則禮祀之喬皇  
 正所以維人心培風俗也皖固舒州地自漢以來名賢之蒞  
 節茲土者未易更僕數速元忠宣公舒州人漢以來名賢之蒞  
 鑰折衝之寄且當劇寇蜂起勢若鼎沸公乃嬰孤城僅聯兵  
 數千大呼偉哉且百餘戰每出其神智以摧敵鋒無不愕眙  
 者嗚呼偉哉且百餘戰每出其神智以摧敵鋒無不愕眙  
 棘中即脫粟饗士皆解甲不敵楡於當百者尤夏城稱難焉及  
 歷六載江淮鱗鱗皆自解甲不敵楡於當百者尤夏城稱難焉及  
 竭而陷公慷慨罵賊自刎賊義瘞之嗚呼烈矣哉說者以公之  
 奇略純忠雖史乘不槩自見謂惟陽張中丞可與頡頏者以公  
 言乎及公憤激自靖而夫一見謂惟陽張中丞可與頡頏者以公  
 麾下士憤激自靖而夫一見謂惟陽張中丞可與頡頏者以公  
 呼異哉予撫皖不忍去於公餘按廟行公壁壘遺址而氣軼田  
 輿地志

至正以迄於今歷三百餘年勿替皖人士多悲歌感慨者皆公遺澤也乃閱歷既久虎觀樓榭不無風雨飄搖者予念公忠義之氣與日星河嶽同其真麗豈必以廟貌之輪奐而後妥厥靈爽哉惟是人心之觀感實關俗尚之汚隆夫以公廟貌嗟峨使肅容展拜者咸激昂而知所勸其有裨於風聲不大且遠耶於是檄皖郡劉守鳩工倡新之而好義梓應遂告竣於丁巳之季春劉守拂貞珉請予為之記因灑筆而書之有如此

烈夫人祠在忠宣墓旁祀余闕妻及子德臣女安安

文武宣力祠原在忠節坊忠宣祠東祀明知府張文錦指揮崔

文後廢

國朝康熙五十九年知府張楷移建忠臣廟烈夫人祠前設主奉

祀益以同知林有祿通判何景暘知縣王誥守備楊銳檢校張

珂教授姚諒均扼宸濠有全城功者

忠義節烈祠在府東樅陽門外迎江寺側同治七年

敕建祀殉節粵逆之難帶兵大員暨官紳兵勇士民婦女

李公祠在康濟門外祀巡撫李猶龍

靳文襄公祠在正觀門外忠臣廟左祀巡撫靳輔

徐公祠在忠臣廟右祀巡撫徐國相

張公祠在清涼菴後祀巡撫張朝珍

曾文正公祠在府署東阜民坊雙蓮寺舊址祀總督曾國藩

王臧二公祠在城隍廟右原名王公祠祀知府王廷賓後增祀

知府臧榮青

劉公祠在縣下坡祀懷甯知縣劉效曾

朱司農祠在桐城縣西祀漢朱邑

吳烈侯祠在桐城縣西祀唐張孚卿

徐常侍祠在桐城縣西連城山祀南唐徐鉉鉉常以直言貶舒

州故後人立祠

方斷事祠在桐城縣東門內祀明靖難死事方法

左公祠在桐城縣東祀明左光斗兵燬重修

張方伯祠在桐城縣南門內祀張秉文兵燬重修

方明善祠在桐城縣東祀明方學漸

寶將軍祠在桐城縣舊書院祀明義烈寶成附姚文然記

寶公諱成蜀人也以勇烈聞身長七尺鬚若神在將軍廖應登麾下以死存桐邑人德之歲時伏臘俎豆不絕村氓小子平生不識公作何名狀過必拜曰我寶公也及見公稱之以其髯曰髯將軍云初逆賊獻忠之掠江北也應登承命皖撫兵三千防桐一日公從逆賊將百餘人入廬州道經舒城解鞍憩息而游騎卒至公無備劫之去賊挾應登抵桐城而益增四合如山人無固志賊謂應登曰汝卒中有為我招降賊者乎以公對公謂許諾一難色陽如平常賊以公先四賊左右夾之曲刃鉤之直兵推之公俛首徐行至城下忽仰而大呼曰我寶成也賊追我招降汝輩但努力固守慎勿降賊連日穴城上山根活石不可穴也且火藥已盡言未卒賊大怒以碎其首支解之至死罵不絕口桐之守吏將聞之曰寶成小卒

也猶不為不義屈況在位食祿者乎并力禦守時城守有林構者總城下晝夜兼行數百里乞師於鳳陽總鎮黃公得功擲身於地哭不絕聲黃公義之星馳赴援賊敗走大軍追之獻忠馬蹟幾獲焉城所以全者本公一死之力也賊既退泉使張公亮至桐泣祭建祠立主於祠之西書院曰寶公祠矣已歲秋文學江君之漢為之墟像勒石焉甲午春予至桐拜其像其長老為言之若此嗚呼公小卒也而桐人皆公之豈非孔融所謂長者仁德之稱號不必三事大夫哉然則聞公風雖遠足以自振况拜其像觀其容貌者乎乃為之記

黃公祠在桐城縣西門內祀明黃得功明季援桐剿賊桐人德

之故立祠兵燬重修

史公祠在桐城縣治西祀明閣部史可法兵燬重修

姚端恪公賢良祠在桐城縣城內東街兵毀公裔於城西後街

改建

多公祠在桐城縣城外太霞宮舊址同治八年建祀荊州將軍

多隆阿

昭忠祠在桐城縣城多公祠左同治八年建祀死事殉難官民  
徐勇烈公祠在桐城縣城內同治十三年建祀湖北督糧道徐  
豐玉

皖山祠在潛山縣北門內祀皖公山神寰宇記謂卽周大夫皖  
伯之神也漢立天柱山南隋大業八年懷甯令辛公義移就皖  
水之陰吳陂堰側號曰吳陂神祠今燬

伍員祠在潛山縣北今燬

忠節祠在潛山縣東門內祀漢邳原今燬

忠義祠在潛山縣北百五十里同治八年建祀陣亡士民

周瑜祠在潛山縣久廢

吳陂祠在潛山縣吳陂神祠之東唐開成五年刺史鄭穀別立  
以祀魏劉馥吳呂蒙馥開吳陂溉田蒙鑿不通水注田三百餘

畝後人思其德故祠之

北神廟在太湖縣南六十里祀楚屈平

文孝廟在太湖縣治東北祀梁昭明太子蕭統今燬

狄梁公廟在太湖縣三十里祀唐狄仁傑今燬

棠梨廟在太湖縣西十里祀唐張巡咸豐閒燬同治六年重建

大節祠在太湖縣北門祀元守臣韓建

雷介公祠在太湖縣西三里祀明雷縯祚今圮

五穀廟在宿松縣西北二十里祀神農后稷

河西廟一名張公廟縣志作大王廟在宿松縣治東祀漢縣令張何丹

白雲祠在宿松縣南八十里涇江口祀唐狄仁傑

景祐廟在宿松縣東南三十八里祀唐張巡許遠宋岳飛

神女廟在宿松縣小孤山下宋陳開夫詩山存孤獨字廟堞女

郎形過客雖知誤行人但乞靈明洪武永樂中皆嘗遣官致祭  
惠民祠在宿松縣治北祀明巡撫彭韶知縣邢旭謝鑛孫行施  
溥熊廷棟與

國朝總督于成龍

忠潔王廟在望江縣雷港鎮祀楚屈平

姚太尉廟在望江縣北七里岡祀晉太尉姚顯

三孝祠在望江縣北門祀晉王祥孟宗唐徐仲源

何無忌廟在望江縣寔宇記無忌為宋鎮軍尋陽太守戰歿於  
此因立廟

忠烈祠在望江縣治祀唐張巡許遠雷萬春

麴大夫廟在望江縣北祀唐縣令麴信陵

忠節祠在望江縣治西祀明邑人王之慶

方公祠在望江縣公名法明桐城舉人官四川斷事燕王入國  
不肯署賀表被逮至望江華陽鎮投江殉節其後人立祠祀之

原本未載祠在何處而有後人立祠  
於此之句以意度之當指華陽而言

昭忠祠在望江縣治北同治二年邑紳龍璇等建祀死事殉難

官民

徽州府

社稷壇在府治鎮安門外

神祇壇在府治南門

先農壇在府治東門外雍正四年遵建

文廟建置詳學校

關帝廟在府城內烏聊山雍正五年奉

旨追封三代公爵春秋同日祭於後殿

重修安敬通志

卷五十四 輿地志

壇廟

九

徽州府

文昌廟在斗山魁杓亭嘉慶六年奉

旨仿關帝廟一例致祭

城隍廟在府治南門內

龍神廟在府治溪南嶺下

火神廟在府治新安衛前

昭忠祠

厲壇在北門外以上壇廟所屬縣俱如制

旗纛廟在各衛所

尚賢祠在府城南門外祀晉太守程元譚梁太守任昉徐摛明

太守陳彥回孫遇張禎彭澤何歆張芹畱志淑王繼禮陶承學

陳所學洪有助凡一十四人

藺將軍廟在府城潮水門外祀隋將軍藺亮亮鎮新安靖難有

功故祀之

忠烈廟在府治烏聊山祀唐越國公汪華有二武士介而立於

門為漢將軍毛甘神策將軍汪節甘歛人建安之亂嘗率眾保

烏聊節績溪人仕德宗朝有神力二人與越國雖異世特以有

功及材武故類祀之

張文毅公祠在府城烏聊山祀左副都御史張芾以湖南提督

周天受祀

呂司馬祠在府城太平興國寺祀唐歙州司馬呂渭

顯忠祠在府城南街祀明靖難忠臣知府陳彥回參政鄭桓長

史陳通

節烈祠在府城機巷口祀歷代節烈

世忠廟在歙縣西南篁墩祀陳將軍程忠壯公靈洗公之故宅

在焉宋寶慶中追封廣烈侯賜廟額曰世忠

飛布廟在歙縣北飛布山相傳寇亂主簿葛顯同縣丞率兵保障築寨此山人立廟祀之唐天寶間敕諡明惠靈惠二神賜廟曰飛布宋嘉祐中各晉封公

忠靖王廟在歙縣北十里洪相山王姓張名十滑人唐安史之亂與張許同死睢陽而史失其名宋政和乾道間加封王爵潭州南嶽廟有宋曾致堯撰碑

朱韋齋先生祠在歙縣紫陽山

先賢祠在歙縣祀宋周程張朱五夫子

三夫子祠在歙縣場田祀宋二程子及朱子

朱文公祠在歙縣紫陽山祀宋朱子

英烈廟在歙縣乳溪祀宋義勇錢魯錢魯紹定三年士民以捍

寇功陳乞立祠賜額英烈

六逸祠在歙縣巖鎮嶽廟中祀宋潘洋發方鶚明唐子彰余修

趙汝弼王瑗

陸忠節祠在歙縣漁梁祀宋朝議大夫陸夢發文相國榜曰文

章自昔傳青瑣忠節於今貫白虹

汪忠愍祠在歙縣城東祀明副使汪一中嘉靖四十年敕建

倪公祠在歙縣河西祀明知縣倪元珙

孝女祠在歙縣南劉村祀唐章氏二女

孫王廟在休甯縣西祀吳主孫權

忠烈廟在休甯縣治東山祀唐越國公汪華宋紹興中知縣吳

敦仁建今廢

江先生祠在休甯縣錦堂山祀宋江慶慶受學胡瑗歸隱於此

凌待制唐佐金尚書安節皆其高弟太守洪适立祠祀之

三賢祠在休甯縣南祀宋程秘程若庸程洙

陳定宇先生祠在休甯縣陳村祀元儒陳櫟附汪灝記蒼蒼者

況決者然江程朱之祕俾聖人之道皎皎於日星河嶽而功在萬  
世者哉定宇先生之祕俾聖人之道皎皎於日星河嶽而功在萬  
時學士分門立戶各逞奇附會羣起著述朱子之說日以失真  
而先生獨慨然發憤著四書發明書傳纂疏禮記集義諸書逾  
數十萬言句精字練務求合於中正以不失乎朱子之遺旨而  
後朱子之書若月之翳於雲而復澈若泉之涸於沙泥而復澄  
若鑪冶之鍛鍊夫兼金而光芒更燦此揭文安公所為有豪傑  
士之目而篁墩程學士且指為文公世適也豈虛譽哉先生之五  
宅在藤溪山水間為里人所據景泰中族孫彥威率先生之五  
盜孫曰洪白諸君復與其族與復之以為祠祀先生正德甲戌燬於  
賢讀書講學之遺蹟又蕩為邱墟而不可堪歲既久滄桑變移先  
先生以理學世其家當其由詞林為諫官也首疏請復先賢祠  
宇而先生之祠預焉蒙其由詞林為諫官也首疏請復先賢祠  
生後裔不重煩縣官帑相與力鳩工未期年而祠復成鳴  
呼世之富貴薰灼勳名赫奕力足以使斯人為之祠以張其崇  
盛者非不丹碧巍煥礪日凌雲乃未轉盼而荒煙蔓草忽為狐

鼠嘯聚之宅物換星移渺無復有過而問焉者先生以一布衣  
未有所設施於時而後之人謀所以尸祝之者屢廢而屢興遙  
遙數百年迄於今弗替何哉楊墨佛老之餘非我朱子接踵周  
程以力為表暴則孔孟之道不明而生朱子之後非得先生羽  
翼其傳義於雜學異說紛紜之日則朱子之道亦不彰固宜其  
生則榮而歿則思以與文公並不朽於天壤也而又何疑於一  
祠余小子蠹解章句即傾佩先生箋釋既幸先生之近出吾鄉  
兼喜其祠之復建以有光於粉榆也因泛舟藤溪拜先生於新  
之記

吳將軍祠在休甯縣東里祀元季保障新安明武毅將軍吳良

程襄毅祠在休甯縣南山菴左祀明尚書程信

程宗伯祠在休甯縣車田祀明尚書程敏政

汪文毅祠在休甯縣中街祀明殉難翰林院檢討汪偉暨其繼

妻耿氏

經鋤祠在婺源縣大田祀漢倪寬以下諸儒

明經祠在婺源縣治考川祀唐胡昌翼



三賢祠在婺源縣治後祀宋周子二程子附明程敏政重修二

程夫子祠記 走少於程氏譜中得雲峯胡氏所為兩夫子祠記  
寅春既除先襄毅公之讀既慨然有起法之志而力未能也成化壬  
復書許之然切懼空言無補事實乃考訂兩夫子家世南北遷  
徙之詳以授教諭蕭田楊公元俾與諸生吳超孫兆輝等上之  
縣安成歐陽君方受上命來為令諸務未遑獨以爲興道善俗  
之首事既上之府上之行臺行臺遂以公移下郡縣修復之  
歐陽君之得請也與走躬相地於大成殿東得鄉賢祠遺址稍  
斥之廣五丈有奇長如廣之數而倍其半庀材召工擇縣之殷  
實者四人暨耆老蘇文玘夏文雅日監臨之諸人者能嚮風承  
德節縮浮費畢力於公家中爲夫子專祠四楹又別爲遺愛堂  
列祀宋丞相呂公大防下又別爲鄉賢堂列祀唐御史中丞程  
公標而下榜其門曰企德像主之制龕座之飾既堅好靡一  
不具肇工六月十七日訖工於冬十二月二十四日歐陽君率  
僚屬暨師生行釋菜禮告成衣冠父老遠近畢集以爲希闊盛  
事復見於今咸舉手相慶走惟兩夫子倡明斯道於河洛之間  
從遊之士比隆鄒魯然獨龜山楊氏以江南諸生號稱高弟兩  
夫子嘗送之歸而有道南之歎蓋龜山三傳得文公朱子於吾  
郡之婺源則兩夫子道學淵源之盛在新安久矣據程氏譜兩  
夫子之先本梁將軍忠壯靈洗之裔見於歐陽文忠公碑至宋  
南渡而伊川先生子孫悉居池州一遷休甯陪郭之程互嘗繼  
絕馬光祖守建康立明道書院又擇於池州房使奉明道之祀

當時錄蔭之制牒繼絕之公移文公草廬諸賢之書札題識具  
存則兩夫子流裔承傳之真在新安亦久矣夫爲士者誦遺書  
而不知其師爲後者奉陸緒而不知其師是雖典籍滅裂於同  
俎豆載興仰焉臨之以宣聖之後而亦不考之故也今廟貌有嚴  
於斯學於斯宦於斯者可不以兩夫子之道敬自勉乎敬勉之  
而有得焉則庶幾新安之名重有聞於天下而此祠爲不徒立  
也已雖然舉也非妻公心主於上非歐陽君力任於下則亦  
有不能相須而成者是非不可不記之以告後來妻公名謙與走  
同舉丙戌進士最有志於正學奉上教董學政於江南所至以  
表章先哲爲心最占其所養歐陽君名旦辛丑進士以春秋  
魁鄉試及禮闈蓋通經學古之士故爲政知所先務如此

朱文公闕里廟在婺源縣南每歲二月八月仲丁致祭

國朝康熙三十二年恭奉

御書學達性天扁額雍正二年燬於火十三年重建附總督趙宏恩記

婺源之有朱子猶鄒之有孟子曲阜之有孔子也自古至聖大  
賢其風教所被瞻嚮之誠即窮海內外日月霜露之所及無有  
遐邇如奉函丈而尤必重其里居鄉邑故孟子敘道統而亦以  
近聖人之居爲幸豈非以天地靈異所鍾而神明所憑哉今天  
下於朱子什宦流寓講學之地無不崇廟貌祀春秋則婺源之  
廟宜尤巍煥異於他所自雍正二年燬於火於是兩江督撫大

臣胥用棟懼而余以十一年冬奉命莅茲任累檄所司  
 鳩工庀材毋怠毋率而布政使司李蘭鹽運司尹會一彈力經  
 畫斥羨帑倡捐輸委吏董役虔肅將事自雍正十一年工興迄  
 今歲三月告竣請予為文以紀之世嘗謂三代而上道統與治  
 統合自孔孟後道統寄於師儒遂與治統分余謂不然道統之  
 寄不遇聖帝明王亦無以別正宗而昭一統於既墜一洗漢唐以  
 來淺儒俗學其為聖門功臣當無所軒輊其於公為集諸儒之  
 大成雖昔賢有言之者而歷朝典無所軒輊其於公為集諸儒之  
 異以我聖祖仁皇帝以天縱之資契於諸儒於公為集諸儒之  
 後以示褒崇於是天下士大夫求聖賢之道者必由公之教  
 始無歧悞如入室之戶涉川之舟楫也蓋自公之生迄今五百  
 餘年而其道始大著是豈不繫乎其治哉余博觀諸儒之書求  
 聖人之道而推之公一人蓋公之窮理致知一孔子之學也博  
 體孔子者斷推公一人也蓋公之窮理致知一孔子之學也博  
 敬存誠一孔子之約禮也反躬實踐一孔子之學也博觀諸儒  
 注釋考訂之書幾萬卷而未嘗自為一書一孔子之學也博  
 也微公則周張二程之學不著即孔子之道亦從而晦噫盛  
 矣宋熙寧元豐間聖學久蕪學者溺於文詞錮於功利重以王  
 氏之學誣經叛道黃惑其間周張二程之學流彌遠非公為之  
 毀詆謀者蜂起迨南渡後風流彌遠非公為之揚其風而暢其  
 義後之人誰復知周張二程之書而命脈國之治亂人心之存  
 孔子之道不外六經四書此生人之命脈國之治亂人心之存

亡係焉不得其言不明其道自公研窮闡發而後由孔子而上  
 逝於堯舜禹湯文武周公由孔子而下及於顏曾思孟靡不揭  
 其心源以詔示萬世炳炳烺烺乎日月之經天江河之緯地蓋其  
 精神氣力實足以肩荷古今宇宙之大業而視若飲然故河汾  
 解氏謂朱子之功不在孟子下也堯舜之道得孔子而益彰周  
 張二程之道詎非得公而益彰耶余以謫薄遭逢孔子而益彰周  
 立誠主敬為當官治躬之則以讀公之書竊公一二緒言勉勉於  
 大用以上佐聖天子唐虞之治顧不幸而際宋季與時  
 齟齬不得一行其志以老每讀宋史為之慨然孔子之道悠久不  
 未得一遇於公又何歎焉而從此億千萬年孔子之道愈光昌  
 息公之教亦歷久而彌芳公之教列於千秋孔子之道愈光昌  
 於萬古余茲以公與孔孟並舉豈諛也哉因  
 志重修歲月而敬述其私淑之誠俾勒之石

忠勇祠在婺源縣北蘆源宋宣和中鄉人感詹巨源光國芝瑞

彥遠等死義立祠祀後以光國五世祖必勝及其子世勛俱以

忠義歿王事併附入

滕氏啟賢祠在婺源縣雙桂坊祀宋中奉大夫滕洙及璘琪諸

先儒

雙湖祠在婺源縣東門祀元儒胡一桂

雲峯祠在婺源縣考川祀元儒胡炳文

四賢祠在婺源縣東門祀明知縣李士翱曾怵周如砥朱衡

雙烈祠在婺源縣古院明嘉靖丙寅流寇之難新安衛王指揮

何千戶死焉立祠祀之

梅烈侯祠在祁門縣悟法寺左祀漢梅銷附汪克寬記士生於

其鄉歷千百世而鄉之人思之不忘像而祀之是必有其故矣  
叔孫穆子有言曰太上有立德其次有立功其次有立言魯鄒  
之祠孔孟以其德也錢塘之祠錢鏐以其功也濟南之祠伏生  
以其言也梅侯名銷世居新安之祁門漢初鄒君吳芮以侯為  
將軍俾率百粵之兵從高祖伐秦入函谷關暨天下既定以功  
封為列侯食邑十萬戶侯故城在邑西十里所居在邑城之東  
今為洞元觀墓在城南二里今為大悟法萬安寺舊有梅祠在  
寺之左至正壬辰夏燬於兵明年大梁趙君某來宰是邑丞命  
重建民驩趨之為屋四楹貌侯其中丹青黝墨照耀炳煥邑氓  
瞻仰乃礮石而徵予記其槩余謂吾郡有古邱墓三唐初汪忠  
烈墓在歙北之雲嵐山距今七百年陳初程忠壯墓在歙西之  
墓墩距今七百餘年俱立廟墓道尸而視之惟侯之墓自漢迄

今千五百餘年而鄉之人思之久而愈篤稽諸漢史吳芮始為  
鄱陽甚得江湖間民心侯為郡君所信任其得民心諒矣然則  
民之思之不惟其功而亦以其德乎其繼自今治於是邑  
者亦如侯之得民心則安知他日不以思侯者而祠之哉

文孝祠在祁門縣善和里祀梁昭明太子蕭統

雙忠廟一在祁門東石院口一在祁山之陽祀唐張巡許遠

吳長史祠在祁門縣西祀唐縣令吳仁歡報始建邑也同治八

年重修

三賢祠在祁門縣閭門祀唐縣令吳仁歡路閔恭代陳甘節

張金吾祠在祁門縣西祀唐張志和

謝將軍祠在祁門縣柏山源祀南唐金吾將軍謝詮宋裔孫龔

州助教謝連等建

鄂王廟在祁門縣西四十里東松菴前祀宋岳飛嘗提兵起

洪州經此後人因立廟祀之今圯

景賢祠在祁門學西祀宋儒方岳等後增祀元儒汪克寬

昭忠祠在祁門縣城內東街祀殉節知縣唐治巡檢鍾普塘及

防剿官弁邑人陣亡者

賀將軍廟在黟縣南門外寨下祀三國吳新都太守賀齊討越

中郎將蔣欽

文孝廟在黟縣西南五里祀梁昭明太子蕭統

胡太常祠在黟縣東南五里祀梁太常卿胡明星

薛公祠在黟縣治東偏唐廣德中建祀縣令薛稷宋端平初移

建大門內並祀縣令鮮于侁

袁忠祠在黟縣盧村祀宋盧臣忠

董公祠在黟縣梓路寺祀明都撫董興

胡公祠在黟縣舊儒學基祀明知縣胡拱辰

四賢祠在黟縣東郭祀明知縣杜銓劉楨魏元吉周舜岳

韓給諫祠在黟縣萬村祀明韓如愈

徽溪廟在績溪縣西北祀唐汪華第八子俊

乳溪廟在績溪縣北祀唐汪華第九子獻

張許廟在績溪縣九里阮祀唐張巡許遠

雙烈廟在績溪縣大石門祀唐南霽雲雷萬春

蘇文定祠在績溪縣新西街祀宋蘇轍

仰山祠在績溪縣東祀宋待制胡舜陟

表忠祠在績溪縣南祀明遼府左長史程通

二賢祠在績溪縣南門外祀明知縣許宏綱吳維魁

侯公秉義祠在績溪縣徽溪橋上順治三年建祀殉難知縣侯

憲武

甯國府

社稷壇在府治西郊

神祇壇在府治南郊

先農壇在府治東門外雍正四年遵建

文廟建置詳學校

關帝廟在府治鼇峯雍正五年奉

旨追封三代公爵春秋同日祭於後殿

文昌廟在府學東嘉慶六年奉

旨仿關帝廟一例致祭

城隍廟在府治西南

龍神廟

火神廟在府治薰化門

劉猛將軍廟在府治北關外  
昭忠祠在府城隍廟門左嘉慶八年遵建祀陣亡兵丁陳明周  
等

厲壇在府治北郊以上壇廟所屬縣俱如制

東嶽廟在府治西北

楊四將軍廟在府治北門外

項王廟在府治嶧山下項羽駐軍於此

敏應廟一名梓府君廟在敬亭山麓祀廣惠王之神南宋元嘉

中建

七賢祠在敬亭山原名五賢祠祀南齊謝朓唐李白韓愈宋晏

殊范仲淹後增明張慎言姜埰為七賢祠

魯府君廟在宣城縣南五十里錢村祀唐梅知巖隋末大亂知巖有保障功

故廟

昌黎祠在舊州學內祀唐韓愈

張侯廟在府治水陽南二里祀唐里人張構廣明初築隄捍禦水災者

東平廟在府治祀唐張巡

三聖廟在府治天慶觀左宋建炎中叛寇戚方攻城急知州事李光於城南見三神人爪指長逾尺

焚香祝之礮反擊遂遁去光為立祠

義烈祠在府治北門外祀宋赤心隊將劉晏建炎中叛寇戚方圍城急郡守李光招晏赴援戰死因立祠祀之

襄烈廟在府治西門內祀宋知宣州事李光

陵陽廟在府治北李白詩上有琴高水下有陵陽祠久廢宋紹興中

神示夢張守城得不沒郡人德之立廟山麓

張公標紙廟在府城北五里宋建炎間知宣州事張果夢神語城將陷沒果抱籍入水死民斂而

奠之標紙於此

六先生祠在舊州學內祀宋周子二程子二張子朱子

文丞相祠在府治北門外祀宋文天祥附明宋儀望記

命鎮撫南畿以十有一月行部宣州守若令具言宋丞相信國公文山先生以咸淳五年差知宣郡既下車諸所罷舉咸切民隱春和省耕作為農謠令歌之以勸既得代猶惓惓與父老子弟陳說教化百姓戴之去之日爭釀錢立祠以志不忘今宋亡且三百年父老子弟每言丞相事輒泣下願祠廟遺缺無以慰邦人之思守土之謂何是夜經營擇地於宛陵驛故阨不佞為公棟宇維宜寢堂既列丞嘗成備越七月祠乃告成以率頓首願有記以示久遠予喟然歎曰公之忠大矣海隅荒服聞其名猶沾襟况冠裳過化之區乎孺子懦夫一及當時事怒髮豎指涕洟沾襟况冠裳過化之區乎孺子懦夫一及當時事怒髮有爵秩衰有號諡茲舉也於法為崇報於義為勸忠雖予之不文將焉辭之嗟乎自宋之季世文武忠蓋謀度罔庸奸黨儉邪阻開輒售二者相乘竟至滅亡予嘗考其終始公自實祐登第即慨然以國家自任宦者董宋臣用事上書乞斬之既又極言其罪皆不報賈似道當國屢抑公不用年未逮強遂抗章致仕去咸淳閒稍遷提刑尋知贛州當德祐之際勢凜凜矣公以羈

旅孤臣倡義起兵勤王詔下軌提師入援夫以新合之眾當乘  
勝之師值危亡之心何心也既至臨安即統御之使敵分而  
國亡與亡公之計天下兵為四鎮置都督以統御之使敵分  
陳說大計分天下兵為四鎮置都督以統御之使敵分而  
乃可制此極力經營軍聲稍振會獨松關破亟召公援臨安三  
知平江極力經營軍聲稍振會獨松關破亟召公援臨安三  
尋委城隆假令公去吳堅守大郡以固藩籬敵雖張必恐我  
乘其後乃又趨公去吳堅守大郡以固藩籬敵雖張必恐我  
之嗚呼悲矣論者謂公早勇退投閒自放有謝安石之達慷  
慨上書乞斬宋臣謂公早勇退投閒自放有謝安石之達慷  
之脫空阮之敗循州之執艱危萬狀誓死不悔有顏魯公之節  
燕京被留從容義命顧問慙慙應對如禮有箕子之貞既趣柴  
市南嚮再拜臨刑自若若有此千之義蓋公之志可以塞宇宙  
不然哉予因撰次公事而述厥赫赫者以昭示後來亦  
宣人之志也郡守以下咸書名左方以見祠所由始云  
**汪公祠在府南郭祀元汪澤民附明王恕記**生不違時死能全  
人也雖死猶生令名無窮焉貪生畏死不顧名節此人之所難是  
為是人也未聞終不死不善之名無窮焉貪生畏死不顧名節此人之所難是  
叔志登元延祐戊午進士第官至集賢直學士以嘉議大夫禮  
部尚書致仕公既歸築室宛水之濱讀書自娛當紅巾餘黨寇  
擊退已而長鎗叛帥鎖南班程述等挾兵渡江欲犯宣城或勸

公去之公曰昔江萬里寓鄱陽大軍偪城眾皆走散猶坐守以  
為民望况公偏降不屈遂遇害將死罵猶不絕口鎮南班等雅  
鋒葛義執公偏降不屈遂遇害將死罵猶不絕口鎮南班等雅  
服公名爲具衣冠以葬之墓上於朝贈資善大夫江浙等處行  
中書省左丞上護軍追封譙國郡公諡文節葬在甯國郡東南  
嶧山之麓因歷年滋久鞠為茂草土人平治之藝麥其上成化  
丙午厥孫養能訟於官同知劉誠覈實之爲封其域未幾誠遷  
去通判天臺陳紀得公神道碑於宋太史景濂先生文集遷  
諸知府涂觀欲爲治墳建祠勒銘於石慰答忠魂以爲天下萬  
世臣子勸遂具以請余嘉其義而許之紀乃經營作石修塋域  
勒宋太史所爲碑銘按御史江石孫弁出公帑五千金以助成之  
里許市地建祠巡按御史江石孫弁出公帑五千金以助成之  
首事於癸卯春訖工於是年冬馳書請余爲記夫人臣之居其  
位食其祿任其事一遇大變臨大節或心無所主苟安一時之  
生而忘厥大義者往往有之求其見道分明視死如歸者幾何  
人哉公當謝事歸田之日無職守無責任聞寇至而不屈此其  
民望復爲部使者畫策以禦之及其被執百世使人敬慕之有  
於此難能也宜其膺顯贈美諡流芳百世使人敬慕之有紀於  
數年亦歸於盡人將唾罵之不暇又何贈諡敬慕之有紀於  
舉固可謂知所重矣節勳風俗者不在斯乎因其請姑撫此與  
爲天下國家推忠節勳風俗者不在斯乎因其請姑撫此與  
俾刻石以示來者若夫公之文章事業與家世  
履歷之詳則有宋太史所爲碑銘在茲不贅

重修安敬通志 卷五十四 輿地志 壇廟 甯國府

二烈清風祠在府治西南祀元烈女胡氏紀氏

俞公祠在府治大東門內祀明俞逢辰 附 明陳俊記略 予按革

一時死事臣蹈湯火中甘心潤鼎鑊乃拊膺太息淫淫下蠶見俞公周旋委曲抗節不附至鐵身以殉輒又拊膺太息淫淫下蠶淫下也或曰俞公死較黃觀方孝孺練子甯云何曰黃方諸公非建文臣耶身受簡迪較黃觀方孝孺練子甯云何曰黃方諸公其心之語亦諒之矣至俞公燕臣也縱均之奉皇彼食其祿自盡者燕耳使俞公為文皇地亦胡病於忠哉卒從一而終不少諂者鳴呼諸臣死建文易地亦胡病於忠哉卒從一而終不少諂故曰俞公死加諸公一等云然公與禮部尚書陳公迪俱宣入黃公觀即又貴池人方二百里間同時死事者居其三歆豔千載震輝寧區豈崧嶽開氣江海精英繫獨一方鍾歟祠構城東孔道前大門練之垣中崇堂室後即居羣子孫業儒者望之枚枚栗栗不古者過之欲以悲感時者聞之奮以激逐臣放子間也俞公名逢辰字彥章世居水陽西鎮里由洪武戊午鄉試辟燕府教授尋遷辰字彥章世居水陽西鎮里由洪武戊午鄉試時萬曆丁丑五月吉日

陳尙書祠在府學東祀明陳迪 附 明李默靖獻祠記 昔我高皇締造家邦

每以扶植綱常培養士氣為務故雖勝國黨桀吠堯猶必曲宥之以示萬世人臣之義固以真安元元非此道無由也厥後懿文太子薨高皇已有倦勤之意永惟付託重計深懷隱憂左顧右卻賴有二三蓋臣為之羽翼既而靖難師興鐘簾不移市朝安堵則文皇帝有再安宗社之力然齊黃諸人自以身受國恩不致懷貳駢首就戮宣城陳公迪與焉予時讀公事狀未嘗不掩卷而悲也按公以洪武乙卯舉京闈辟太郡學訓導嘗為郡草萬壽賀表上覽而異之召拜翰林編修累遷雲南左布政後徵為禮部尚書同受顧命時兵起國勢艱危公等力陳計畫南北相持者五年事既弗就公益抗節不遜遂并其子丹山等磔東市臨刑猶作五噫歌并詩至今讀之使人潸然淚下豈其忠憤所感思以頑民自待者也子糾之難忽死而仲請囚人固各有志不能以彼易此文皇曰彼食其祿自盡其心又曰使子甯尚在朕當用之聖人所以扶植培養之者甯有已時哉公死之日稍祀公於故里尋即湮廢使英爽之氣飄溢而無所依予甚悼焉嘉靖壬辰予以吏部郎謫荆楚前守餘姚郡君曠具以狀白於巡按督學兩御史請復置祠春秋薦享如大司馬溧水齊公故事二公嘉許大林亦奉地來獻郡學之東公少讀書處也予更旁購地益之中為正堂奉公像以居又北為浩然堂各翼以兩廂浩然北有方塘塘畔為水中央亭其東為井巽前為大門門東十餘步為宛陵大節坊凡籬彝庖福几榻百物畢備歲給掃除一人維祠據高臨曠宏麗瑰傑繼今而往庶幾其



無速壞云爾祠成郡中學者咸嘻呼慕歎相與致私愛於公而  
諡之曰靖獻先生遂因以名祠會予有持憲廣東之命乃大會  
郡僚鄉大夫羣執事以中卒詣祠甯神而告成事嗚呼殷有三  
仁其志不同其心安也不然死者復生生者愧矣由是以觀諸  
公情事夫又何疑乎是役也肇於甲午冬十一月甲申訖於明  
年夏六月辛亥其費與力並給於有司不以煩民而綜理出納  
則悉委諸邑民貢汝舟吳孟學二人者恪勤靡懈又使太平吳  
琪佐之大林周旋其間多所規畫是用能集事以昭丕績均可  
謂勞也已矣

王文成祠在府治正學書院祀明王守仁

遺愛祠在府治小東門祀宋知宣州事張果明知府袁旭沈性

及公祠在府治西祀明知府及宦

羅公祠在府治景德寺祀明知府羅汝芳

八賢祠在府治前祀明知府方逢時鄭繼之蕭良譽金礪王公

彌周光夏

國朝知府管起鳳龔鯤

烈女祠在府治迎春巷口祀明烈女徐氏

陳雷二公祠在涇縣東南五十里祀三國吳縣令陳焦雷某

靈惠廟在涇縣治祀晉內史桓彝今燬

左王廟在涇縣柏山祀唐左難當附明張堯文碑記涇川為古

唐稱雄鎮蓋自有左戴國公始故今鄉賢祠首公予令涇躬親  
祀事恆顧瞻公如在按志公生七歲能文長益神異隋末天下  
多兵民苦蹂躪擁公為總管囊鞬受牙之君子六十萬人願指  
帳下號長城焉輔公福寇州城旦暮岌岌公堅壁歲餘節旄  
不出公禱以孤軍深入匱乏且自解公分道擊之斬數大酋賊  
失險膽落荏苒深從穰溪夜渡柏山眾苦伏濤公祝天雪下  
九州長公整旅返旆從穰溪夜渡柏山眾苦伏濤公祝天雪下  
尺餘士皆可挾纊柵欄而居於原阪之間公謀築雉堞以為甯  
宇屬寐且醒忽有神告曰形勝已定盍起視圖之公率麾下數  
十騎起行柏山至潭下有一白龜出石穴從東南週圍西北公  
曰是神所告我者河山縈繞如帶如屏可亡虞保障矣遂築而  
城之題曰白龜城江以東安堵如故公之力也後被命與李靖  
尉遲敬德趙郡王孝恭等先後佩元帥綬戰敗巨寇削平僭逆  
及征遼蠻俘斬億萬天子嘉之賜封戴國公食邑三千戶武德  
六年公薨葬太平龍門鄉松子嶺敕加王號並建祠於猷州諸  
邑民雨暘疾病禱輒應今石埭太平廟貌儼如也獨柏山祠歲

久傾圮而其基漸歿於豪併者余雅重公為葺飾鄉賢祠而以  
未復柏山祠為歉後代予者赤石陳先生念公有大功而廟祀  
不隆慨然欲建公裔孫左維垣曰此吾左氏始祖也何敢煩公  
費爰集族之賢且能者大用一磨等捐資清復舊基至以其事  
爭之郡縣監司鼎建新祠起自辛丑至十二月而落成焉請記  
於余余雖去涇未嘗一日忘涇則未嘗一日忘公之有造於涇  
即不獲親持斗酒豚蹄以歲時伏臘走字下猶及以言藉公傳  
之貞珉余心猶視公如在已公諱匡政號難當歷傳至今三十  
博習經史而善歧黃術因記公而併及之云咸豐間廢今修

汪王廟在涇縣西北孤山高嶺祀唐汪華

李翰林祠在涇縣震山祀唐李白

集福廟在涇縣治祀唐張巡今燬

西峯大聖廟在涇縣東荆竹院遇旱蝗祈禱輒應

承流府君廟在涇縣南四十里祀承流山神

香心夫人廟在涇縣東六十里祀唐烈婦洪勝可妻梅氏

王公祠在涇縣水西精舍祀明王守仁

劉公祠在涇縣治北祀明知縣劉世亨

李公祠在涇縣東郊祀明知縣李邦華

節孝祠在涇縣治北道光閒

敕建今燬

忠義祠在涇縣治北咸豐閒

敕建今燬

周太保廟在南陵縣北六十里祀吳春穀長周秦今廢

甘相公廟在南陵縣治北祀晉甘卓

廣惠王廟在南陵縣工山下孝感祠在縣東十字街均祀晉孝

子何琦今廢

安賢祠在南陵縣開化寺後祀晉何琦唐張巡李白杜牧之宋

李經明吳景蘇仲芳久廢

徐公祠在南陵縣春穀坊祀宋學士徐勣兵燹同治開重建

陳公祠在南陵縣北關外祀宋丞相陳堯叟今廢

張公祠在南陵縣學東祀元義士張國岡今廢

吳公祠在南陵縣籍山橋祀明僉事吳景今廢

貞烈祠在南陵縣城隍廟東祀明貞烈女梅柏香汪德香何金

妹今廢

沈公祠張公祠俱在南陵縣東義豐圩祀明知縣沈堯中張其

孝今廢

徐偃王廟在甯國縣北二十里歲旱禱雨多應

宛陵侯廟在甯國縣署內祀三國吳大將軍宛陵侯諸葛瑾

梅魯王廟在甯國縣北七十里祀唐梅知巖

章四相公廟在甯國縣東八十里祀南唐宣歙鎮將章紹

義烈方公廟在甯國縣西三十里祀宋義士方致堯

東平廟在甯國縣西一里祀唐睢陽公張巡

英濟汪王廟在甯國縣塵嶺祀唐越國公汪華

程忠壯公祠在甯國縣五都祀陳鎮西將軍程靈洗

三賢祠在甯國縣東百二十里祀宋祕閣修撰吳柔勝洎二子

參政淵左丞相潛

兗州刺史廟在旌德縣東三十里祀漢蔣詡

俞將軍廟在旌德縣南十五里祀晉俞縱

威顯廟在旌德縣東北隅祀唐張巡兵燹同治七年邑人江桂

重修

烈婦祠在旌德縣北門外祀明丁廷寶妻梅氏

劉公祠蘇公祠宗公祠俱在旌德縣北門外祀元縣尹劉性明

知縣蘇宇庶宗敦一

喬公祠在旌德縣水關門外祀明知縣喬明旃

忠烈廟在太平縣南祀唐張巡

名公祠在太平縣西祀宋令孫覺明知縣張瀚劉元凱

周恭節祠在太平縣治西祀明周怡

節烈祠在太平縣南祀羅趙等烈女十餘人

重修安徽通志卷五十五

輿地志

壇廟二

池州府

社稷壇在府城秀山門外

神祇壇在府城南

先農壇在府治東門外雍正四年遵建

文廟建置詳學校

關帝廟在府城西街雍正五年奉

旨追封三代公爵春秋同日祭於後殿

文昌廟嘉慶六年奉

旨仿關帝廟一例致祭

重修安徽通志

卷五十五輿地志

壇廟

一

池州府

城隍廟在府治西北

龍神廟在府城東關外

火神廟在府城福緣菴前

劉猛將軍廟在府城南石獅口

厲壇在府城北以上壇廟所屬縣俱如制

旗纛廟在城北小教場各營俱如制

漢逸民高獲廟在貴池縣一城西七十里一城北三十里清風

亭側均圯

孝娥廟在貴池縣東北四十里吳大帝時娥父為鐵官冶鐵不

流娥憂父刑遂投鑪中鐵乃涌溢流注娥所躡履浮於鑪時人

號曰聖姑為立廟今在流婆磯下十餘里

文孝廟在貴池縣西五里祀梁昭明太子蕭統

趙文節祠在貴池縣南五里祀宋死節通判趙昂發

清溪二生祠在清溪江口二人從趙昂發死節失其名久廢

三賢祠在貴池縣城內元郡守王興祖建祀宋范仲淹包拯趙

昂發明正德中增祀前守葉思晏毅盧輝陳良器侍中黃觀都

御史胡本惠按察使柯暹侍郎孫仁員外郎李嘉祥易名崇賢

祠久廢

包何二公祠在貴池縣南門內祀宋包拯明何經正今改建毓

秀門

四公祠在貴池縣南齊山祀宋岳飛趙昂發明陳敬宗黃觀久

廢

忠烈祠在貴池縣治西明嘉靖初建祀宋通判趙昂發妻雍氏

明侍中黃觀妻翁氏及二女烈婦唐貴梅烈女康清姑號雙忠

六烈隆慶間移置毓秀門增尤氏桂氏今燬

哀忠祠在貴池縣西凌雲閣旁祀明侍中黃觀附明畢鏘記侍

中先生舊附郡城雙忠祠至今二百餘年未特祀也萬曆丙申西蜀巡撫都御史趙公巡按御史龔公同莅畿南振揚風紀治具畢張吏修其職民安其業乃於吾池廉得侍中先生實事於是會議具疏請於朝曰先臣侍中觀與其妻女忠節萃於一門宜建祠特祀詔下禮部覆議以聞先是今上登極頌有革除間諸臣表忠魂之詔故撫按遵奉具題云夫先生之甘赴羅剎及夫人翁氏與其二女相攜以溺而死蓋言之嗚咽無容贅矣獨念綱常在天地間萬古勿毀故忠孝必盡於臣子貞節必失於婦女未之有改也帝王之尊奉立人極扶世教以培植將來國祚於長久亦恃有此道存焉爾昔在周武王時夷齊叩馬以諫仁孝數語周家八百年之命脈於此攸基先生之志與夷齊同然先生膺夔契之重任夷齊為海濱之漁父是以或采薇以終身或蹈江流而勿顧所處不同而歸於忠也當其時武王能容夷齊之切直而勿恤鑿忠鯁於生前錫龍光於歿後則我鴻烈而享千萬年之褒恤鑿忠鯁於生前錫龍光於歿後則我鴻圖之享有千萬年之褒恤鑿忠鯁於生前錫龍光於歿後則我鴻也所以表幽潛樹臣紀而廟風俗也其有裨於國家甚大豈但吾池之人士瞻仰山川增邑而已哉祠建於凌雲閣之旁正堂五楹後亦如之奉夫人二女於其中門房坊牌俱備糾財度工則適有澤水漂來大木足資材用蓋忠義感動天人協贊如此

君子謂斯舉也見崇賢之道焉見好德之公焉見為政之綱焉見謀國之遠焉一事而眾善具矣工始於六月至九月落成是舉也備兵副使張君天德首倡之督修者知府張君堯文同知傅君國材通判胡君嘉賓推官王君紀也

成仁祠在貴池縣城隍廟前祀明給事中陳敬宗

秦推官祠一在貴池縣南門外一在西廟祀明推官秦懋義

存仁祠一在貴池縣城北一在舊察院右祀明給事中陳敬宗

協濟祠在青陽縣南二里明統志舊傳二神姓曾三國時人兄弟避兵於此既歿有禦災捍患功遂立廟宋大觀閒賜額

李太白祠在青陽縣九華山東巖下今廢

范公祠一在青陽縣學內一在縣東二十里長山祀宋范仲淹

今廢

許侯祠在青陽縣西祀宋縣令許介

仰止祠在青陽縣九華山祀明王守仁今廢

甘泉祠在青陽縣九華山祀明湛若水今廢

錢元帥祠在青陽縣八都五陽里祀明指揮使錢清

劉孝子祠在青陽縣西南五十里祀明孝子劉永祚

田晏二侯祠在青陽縣西祀明知縣田登年晏景卿今廢

三賢祠在青陽縣治西祀明知縣羅華袞王家柱龐昌允今廢

靈祐王廟在銅陵縣銅官山麓王姓張名覺晉潯陽太守蕭齊

時廟食茲土唐中和開陰有助戰功封保勝侯至宋咸清始加

王爵

睢陽祠在銅陵縣五松山側祀唐張巡

太白祠一在銅陵縣五松山一在橫港

英烈王廟在銅陵縣姚村祀宋統制姚興

大王廟在銅陵縣大通鎮祀宋秀才謝緒

去思祠在銅陵縣西門祀推官陳萬言邑令劉孜附以同知傅

國才邑令劉綺推官唐文燦李養重李養冲俱未詳何時人今廢

徐公祠在銅陵縣新河口祀邑令徐一科未詳何時人今圯

昭忠祠在銅陵縣城同治四年建

葛仙翁祠在石埭縣南七里

忠惠祠在石埭縣西龍巖山祀唐查城僖宗廣明元年黃巢渡

江城以裨將戰陵陽舊館力屈死之詔為立廟事見通鑑江南

通志作刺史諱岳誤

舒姑祠祀舒氏三女舊在石埭縣南蓋山宋紹興中賜額顯濟

明洪武初移建城西金城山

褒忠祠在石埭縣南祀宋安撫制置使丁黼

旌忠祠在石埭縣治東祀明瀘州知州蘇瓊

堯廟在建德縣南三里

東嶽廟在建德縣玉峯山有大藏經閣

威烈將軍廟在建德縣玉峯山祀梁江子五

余司徒廟在建德縣余村祀唐余公按神諱不可考或傳其諱巨字果仁為唐司徒有保

障一邑功舊以為隋陳果仁誤

許旌陽祠在建德縣西北石印山明統志相傳晉旌陽令許遜

逐蛟至此因祀之

陶靖節祠在東流縣治西菊江亭祀晉陶潛今燬

朱文公祠在東流縣南五十里黃尖山

許公祠祀明許山一在東流縣治西兵燬重建一在張家灘一

在香港口鎮俱明末兵燬

太平府

社稷壇在府治清源門外

神祇壇在府治南津橋南

先農壇在府治東門外雍正四年遵建

文廟建置詳學校

關帝廟在府治演武場西雍正五年奉

旨追封三代公爵春秋同日祭於後殿

文昌廟在府治貢院東嘉慶六年奉

旨仿關帝廟一例致祭

城隍廟在府治東

龍神廟

火神廟一在府治觀巷內一在采石磨盤山

劉猛將軍廟在府治三忠祠後



昭忠祠在府治三忠祠後

厲壇在府治清源門外以上壇廟所屬

定江神廟在當塗縣西北采石山縣俱如制

湖神廟在花津

馬王廟在湖熟門外

丁孝子祠在當塗縣慈姥磯祀漢丁蘭

謝宣城祠在當塗縣青山祀齊謝朓

李太白祠在青山麓

張王廟祀唐張巡

岳王廟祀宋岳飛並在當塗縣采石鎮

國朝雍正八年知府李暉擇於太白樓後闢地新之附明彭時修

虞太傅祠在當塗縣寶積山祀宋虞允文後圯明景泰中重建

壇廟

六

太平府

祠記公諱允文字彬甫隆州仁壽人登紹興二十三年進士姿  
 任之器三十一歲辛巳以中書舍人爲督府參謀軍事時金主  
 亮舉四十萬衆南侵兩淮兵將望風奔遁淮西節度使王楙復  
 棄和州走采石朝命李顯忠代權且命公趣顯忠權軍並犒師  
 采石公至采石權已去顯忠未來敵衆剋期渡江公立馬指授  
 諸將方略列陣以待分佈戰艦於江中甫畢金兵數百艘已絕  
 江而來直薄宋軍軍小卻公撫將校時俊戰背曰汝膽略聞四  
 立陣後則兒女子耳俊敵方遁卽命追射以勁弓大敗之明日  
 將劉錡執其舟三百亮氣沮走瓜洲爲其下所斃公還過鎮江制  
 大戰錡其舟三百亮氣沮走瓜洲爲其下所斃公還過鎮江制  
 儒生我輩愧死矣及入對高宗嗟嘆謂宰臣曰允文公忠出天  
 性朕之裴度也其見稱於當世如此公歿四十餘年常平使李  
 道傳始爲公立祠采石又於光祖達士民之狀於尙書省請廟額  
 立碑又數年知太平州馬光祖達士民之狀於尙書省請廟額  
 曰英烈其爲人思慕又如此元時廟毀惟石刻於尙書省請廟額  
 壬申太平知府李郁乃卽故址重建之歷歲既久日益頽敝今  
 知府嘉興張君敦按治至府以節縮公羨屢欲改爲而果會  
 御史臨江張君敦按治至府以節縮公羨屢欲改爲而果會  
 其費廣德富民步祖一聞義以銀百兩來助遂備材興工撤其  
 舊而新之堂廡門牖規制嚴正肅公像於中列將校時俊等於  
 左右又繪當日祀以少牢文武吏士陪班行禮蓋采石實公建功  
 十一月一日祀以少牢文武吏士陪班行禮蓋采石實公建功

之地十一月一日又其建功之時也自其建功之時至今成化  
辛卯已三百一十一年矣而祀典始正何其感人之深如  
此哉方亮之臨江也中外震動采石敗軍纔萬八千人皆星散  
無鬪志公立招諸將勉以忠義於是人心復合或曰公受命犒  
師不受命獨戰他人壞之公任其咎乎公叱之曰危及社稷吾  
將安避嗚呼斯言也其出於忠君愛國之誠與惟其應機合宜  
臨敵不懼忠義奮發足以感激人心用能以萬八千之散卒破  
走四十餘萬之強敵其事亦奇矣哉挫強敵於既橫安國家於  
已危扶社稷於將傾謂非公之功不  
可也宜乎後人思慕之不能忘歟

登勇將軍廟在當塗縣西街祀宋馬進

陶學士祠在當塗縣東街祀明陶安

三忠祠在府治西祀明許瑗花雲王鼎附明祝鑾考定三忠位

次記忠臣祠舊在慶城橋之東景泰間始遷於太平府治之西  
也迄今許王二公祠如初而花公不預焉嘉靖癸未郡守傅公  
鑰乃因其後之請增公之像而祀之位次尚考定明年禮科  
右給事中底公蘊握符來守是郡謂國家之事莫大於祀人臣  
之義莫先於忠爰稽郡志及皇朝開國功臣錄宋學士景濂文  
集諸書得三公事績始末為悉乃定其位以許公文臣且地主  
也宜居其中花王二公俱武將而花之功為最宜居左王宜居

右皆南面焉於是祀典正而神靈妥矣貳守冷公宗元邢公署  
向公正通守林公希範陳公醇推官宋公在陽邑侯丁公洪聞  
而避之值鑿歸自浙遂以記屬辭弗獲則受簡而次第之按許  
公諱瑗字栗夫饒州樂平人元至正中兩以易經舉於鄉皆第  
二歲戊戌冬我太祖取婺州公以儒士授博士畱參謀帷幄中尋  
掃除僭亂以平定天下太祖命公仗劍謁太祖撫黎庶而民以安焉花公諱雲懷  
命守太平則厲公仗劍謁太祖撫黎庶而民以安焉花公諱雲懷  
遠人元季兵亂公仗劍謁太祖撫黎庶而民以安焉花公諱雲懷  
地所向有功丙申六月立行樞密院於太平以雲懷為院判階安  
遠將軍王公諱鼎儀徵人趙忠之養子也忠從太祖渡江征伐  
有功授行樞密院判鎮池州趙普勝寇池州忠死之鼎襲其職  
復姓王俾守太平焉庚子閏五月丙辰偽漢陳友諒率舟師圍  
太平許公偕花王二公以兵三千拒戰友諒攻城三日不下引  
巨舟泊城西南士卒緣舟尾攀堞而登城遂陷三城被執不屈  
死之後五年甲辰追封許公大將軍大夫高陽郡侯花公被執  
將軍安邱郡侯王公昭毅公大將軍大夫高陽郡侯花公被執  
命有司歲時致祭嗚呼太平根本之地也得太平而後天下響  
應焉此有商之毫四方之極也惟我太祖知之故委之後天下  
臣而託以保障之任既而各以忠死所以報太祖之股肱之遇  
也豈他覲耶顧乃衰忠之典即舉於戎馬所以報太祖之餘首  
下人臣勸非睿遠識灼其蓋成鴻業復帝王所自文臣武  
將聞風激忠非睿遠識灼其蓋成鴻業復帝王所自文臣武  
其在茲耶抑亦有他故耶不可知已頃者傳公既增入其像底  
別有廟耶抑亦有他故耶不可知已頃者傳公既增入其像底

公復考定其位而諸公皆贊成之例皆得書也故既敘其事略復繫以詩俾刻於石庶來者足徵云其辭曰於皇聖祖秉鉞東駕風鞭霆乘飛龍海濤豪俊翦雲從偉哉太守與將軍展也允武復允文控制上游淨妖氛長江浩浩天塹成屹然萬里金爲城仁綏義正僭亂平偽漢匪茹揚帆來鳴鉦擊鼓轟如雷我軍視之維嬰孩熊罷三千森若林旌旗蔽空白晝陰大戰三日同陽厲鬼今若符彭澤與帝爲先驅觸之飄然上征叩玉墀睇恩禮優金書煌煌封澤侯爰始廟祀垂千秋歲時將享潔牲牛鼓我笙簧擊我鼓燁燁不來兮心切神之格兮儼冠裳符帶劍願而氣風清凌江濤不起無鯨鮑神之格兮儼冠裳符帶劍願而長啜蘭羞兮飲瓊漿神之去兮靡少停流爲河海爛爲星蹇余延於瞻儀型帝隆典禮維勤忠匪忠匪臣易以庸於赫我公昭無窮

范學士祠在當塗縣忠節坊祀明知府范常以上各祠廟俱廢  
靈澤夫人祠在蕪湖縣蠓磯祀蜀漢先主夫人孫氏嘉慶二年巡撫朱珪題奏

敕封崇節惠利靈澤夫人  
賜英靈惠濟額春秋致祭如儀同治四年兵部侍郎彭玉麟重建

梁文孝祠在蕪湖縣昇平橋東祀梁蕭統同治七年重建

李衛公祠在蕪湖縣赤鑄山祀唐李靖

三公祠在蕪湖縣西三里祀唐狄仁傑明楊繼威海瑞

張狀元祠在蕪湖縣長街巷內祀宋張孝祥

忠臣祠在蕪湖縣東南七十里祀宋陶居仁

陳通判祠在蕪湖縣察院東祀明死事縣丞陳一道

海忠介祠在蕪湖縣西北祀明海瑞

烈女祠在蕪湖縣學西北祀詹烈女

江神廟在繁昌縣三山鎮

工山廟在繁昌縣西十五里祀晉何琦

侯王廟在繁昌縣東四十里祀唐許遠

楊察廟在繁昌縣東南三十里祀南唐楊察

宗三廟在繁昌縣荻港雙槐歲鈔云明太祖戰鄱陽時有櫻毛巨纜分判為三化為蛟龍二飛去獨其季畱江湖舟人稱為宗三秀才

鄧公祠在繁昌縣東門外祀明知縣鄧一儒

王公祠在繁昌縣峨橋鎮祀明知縣王桂

烈女祠在繁昌縣舊縣祀明烈女張仙貞

烈婦祠在繁昌縣東門外祀方名蛟妻洪氏

思賢祠在繁昌縣治東祀明知縣林有年

廬州府

社稷壇在府治西門外

神祇壇在府治南薰門外

先農壇在府治東郊雍正四年遵建

文廟建置詳學校

關帝廟在府治和平橋東雍正五年奉

旨追封三代公爵春秋同日祭於後殿

文昌廟在府治鎮淮樓西嘉慶六年奉

旨仿關帝廟一例致祭

城隍廟在府治東北

龍王廟在府治東北

火神廟在龍王廟東

劉猛將軍廟在府治威武門外

昭忠祠

厲壇在府治拱辰門外以上壇廟所屬縣俱如制

伏羲廟在府城東山

女媧廟在合肥縣東北梁縣鄉

七門廟在合肥縣西南七門堰祀漢劉信魏劉馥

五賢祠在府學祀漢文翁宋包拯馬亮王希呂元余闕明正統

初建

巢湖聖妃廟在合肥縣姥山晉太康中建

包孝肅祠在合肥縣南香花墩祀宋包拯附明黃金孝肅書院

記包孝肅公宋之名臣也其精忠直諫可比漢之汲黯而過也其載諸宋史者炳炳烺烺與日月爭光其傳與天地相為悠久卓乎不可尚已第公為廬人仕於廬者往往以簿書期會為心求能表章先賢以邦未進則參乎未之有聞監察御史陽城宋君克明來守是邦未幾而公之孫漸舉百廢具興謂公乃鄉賢顧可漫不加之意乎郡城有河中之有洲舊為浮屠氏所據太守至是撤而去之因相其地植陶瓦為工事南面建屋五間中坐公之像東西翼以夾室植竹木於四圍而環之以牆前建大門其地峻巖石為梯數十級登焉題其額曰包公書院新傑狀偉過者為之改觀擇岸後張福輩十餘人讀書其中而公二

若公乃表表焉百世可師者也吾欲爾曹居家行己則師公之孝立朝事君則師公之忠庶不負建新院之意福輩奉教惟謹問以書來屬予記之嗚呼為政貴識大體不務末節嚴先生祠堂范仲淹構之韓昌黎潮州廟王滌新之以其所關者太也孝肅之風足以廉貪立需其有功於名教大矣不此之重而務其他可乎太守善教乃及於是有一無所取於民其才之長又有過人體況其所費悉出自規畫一無所取於民其才之長又有孝子之門上紹先賢之功於名教也於是不由此舉

楊將軍廟在府治水西門祀宋楊沂中

姚李二公祠在府治德勝門外祀宋姚興李顯忠又旌忠廟在

府治定林專祀姚興

喬張廟在府治東祀宋統制官喬仲福張璟

余忠宣公祠在府治東門外祀元余闕附明李東陽記正德改元之歲

知廬州府馬金言元故淮南左丞余闕當至正之亂分守安慶誓死而戰為江淮保障及陳友諒趙普勝諸軍各攻陷其城乃引刀自剄死並其妻妾子女將佐士卒無一辱於賊者其事甚偉當其時已贈行省平章事國公諡忠宣國朝洪武初始詔

廟祀於死所闕雖出蒙古而所居合肥青陽山故宅亦有祠次  
不祀惟漢紀信生於廬死於柴市而皆兩地並祀若闕之精  
陽宋文天祥許於廬死於柴市而皆兩地並祀若闕之精  
忠烈可方文許於廬死於柴市而皆兩地並祀若闕之精  
得為郡縣所祀子弟所仰其禮亦甚缺請修輯舊祠秩諸常  
祀復其守者比於安慶以昭一代之感詔曰可於是重於戲  
堂室暨凡物性於事者令縣正官以歲或再致祭焉於戲  
常不道根乎天性其於人無時與地而或再致祭焉於戲  
而宋季尤甚忠臣義士往厚養之漢唐宋之節義者四  
其他崇名職者戰者後先相望忠宣以一郡之弱二千人  
東南數萬之眾戰者後先相望忠宣以一郡之弱二千人  
其正以死又使之門五節高皇帝亦不以君廢其臣而表  
論烈尤且著者也我明祖高皇帝亦不以君廢其臣而表  
古今之忠義至其所驅逐於天而立教以治世者區區人  
也抑見忠義之激於中者苟自盡於荒墟而實有未失其  
質之憾充類至於無異於武王封比干釋伯夷之義矣而  
其主而於亂賦之手者當不表之以為天下教哉然則忠宣  
生與忠宣同日進者亦豈非論議示法之大端也哉族相  
世所傳青陽集者先生實序之而以不得效死為忠宣愧東  
仰窺聖祖之仁復有感於先世之誦因表其事且以風天下

為八臣者若忠宣之族里行績則見本朝所著元  
史及潛溪宋學士傳為詳博雅君子尚有考焉

瞿公祠在府治落水橋西祀明都督瞿能

蔡公祠在府治十字街祀明尚寶卿蔡悉

周忠愍祠在府治明教臺東祀明周璽 附 明葉逢春記 余讀廬

忠節者自漢周平孫而下迄於我明曹瑞卿屈指蓋三十一人  
瑞卿蹟其行事宜列之剛直其二十八人皆以亂略之頃激大  
義抱忠憤而為敵所殲者至以直言而斃則惟我朝周忠愍李  
崇德兩公焉豈時當草昧則人心易激忠義慨慷之士多而居  
常往往往養位酬祿緘默株守之士眾乎不然何死敵者餘什九  
而在他傳中若忠愍不什一耶兩公者以忤武宗斃於杖下崇德  
公被擄掠身無完膚矣猶不復少屈曰吾死不足惜令忠義畏  
懼可憐耳斯言也豈古所稱君子不與蘇明允云使我獲知人  
殺身之仁而社天不取一古所稱君子不與蘇明允云使我獲知人  
一身後區區之名詎不賢哉公祠碑記尚缺公之孫弟少員於  
德因蓬萊浦君以請蓋君以六安貳署肥事也余按忠愍與  
瑾黨楊玉勤事弗阿弗徇瑾惡之遂羅此慘假令忠愍少假之  
辭色縱不得其權心亦可免禍而忠愍不以此摩者之踵一儂獨  
羣儂蓋日至摩踵以承之其後至者則摩其摩者之踵一儂獨

愕然而進長揖而與之坐語羣儂皆愧而驚走忠愍者其不摩  
踵之流與忠愍即死而國家忠義之氣藉是以扶持而不墜其  
功豈小補哉浦君為此請者浦之先君以忤世廟被杖尋卒於  
獄夫世廟之聖明不世出者於忠愍有抑鬱未伸遠焉淪歿於  
旨如此而於浦公又如彼豈日月之明或蔽寸雲而  
雷霆之威偶摧直木者乎君其有所感夫有所悲夫

屠公祠在府治察院前祀明知府屠仲律

三孝祠在府治前大街祀明孝子張梅湯鼎朱世蕃

宋公祠在府治威武門外祀宋忠烈公瑄忠順公瑛今圯

蔚公祠在府治落水橋西祀明尚書蔚綬今圯

孫公祠在府南門大街祀明衛輝知府孫鎮今圯

張公祠在府治時雍門大街祀副都御史張瀆兵燹重建

江公祠在府治前街舊縣丞署東祀巡撫江忠烈公忠源

王公祠在府治東嶽廟西祀穎上教諭王福永

張公祠在合肥縣來仙橋西祀右江總兵張樹珊

唐公祠在合肥縣惠政橋西祀右江總兵唐殿魁

劉公祠在合肥縣唐公祠西祀副將劉朝煦及妻節烈方氏

昭忠祠在府治江公祠西祀合肥徇難男婦

宣聖南祠在廬江縣宣聖五十八代孫孔思源徙廬江建家廟

春秋祭如學宮儀

廣惠廟在廬江縣東南礬山之陰祀漢張渤元至正中建

毛公祠在廬江縣北門內祀漢毛義明末燬

國朝雍正七年重建

大忠祠在廬江縣祀明靖難死事陳植明末燬

國朝陳氏子孫重建

舒王廟在舒城縣城內祀漢廬江王劉賜王居舒有遺愛立廟

祀之久廢

二賢祠在舒城縣城內祀漢文翁朱邑明萬曆閒燬

三劉祠在舒城縣東祀漢龔頡侯劉信刺史劉馥明知縣劉顯

今燬

土主廟在無為州小東門祀唐忠義袁傑今燬

朱文公祠在無為州北皇華坊兵燬今修

靈澤夫人祠在無為州蠓蟻山詳見太平府

楚公祠在無為州祀宋待制楚建中附宋趙汝談記郡故祀賢

公建中嘗守  
才紹聖初為郡人興三圩開十二井又築北嶺以捍水至今蒙  
其利陳公坐論蔡京錄有司諫斥謫尋改郡復罷其政猶未治  
此土也邦人以其在天下士而吾里乃幸辱焉故誇以為榮而米  
公則翰墨妙當世在郡所作樓觀皆手自題其榜民每瞻思之  
余謂是三賢者祠之當矣然考諸圖志則先是楚公建中嘗守  
此其治一以清靜不擾去之日有遺愛而獨缺其祠豈不忽諸  
余反覆其說而得焉西都所傳循吏無惠文時人豈惠文世無  
良吏哉其故可思矣嗚呼國家慶歷嘉祐閒天子垂衣裳執大  
象羣有司奉法循禮而海內晏安無事田不盡利也而食有餘

於飽井不盡甘也而飲有餘於味上下數十年閒其布政郡國  
者大抵非博厚長者即忠信善士也故雖以楚公之才學亦不  
刻厲漏發以求自判於常人而民所以懷公者亦惟此心不  
表於外也嗚呼獨非盛德之至歟王公既繇功食二公復因名  
譽蓋其次第如此而楚公遠矣顧有輕重乎哉今中興以淮為  
邊而無為創前之敵難未遠也眾懼莫敢即安濱熙末公私始  
稍稍鳩聚若欲自況內郡者未瘳府無旬月之儲而宿負新貨符  
此地流宕者未返瘡痍者未瘳府無旬月之儲而宿負新貨符  
督交至余熟視莫知其為也嗚呼然嘆曰時安得復有楚公者以  
為爾民父母其庶乎而余劣不足進此矣於是議追楚公之祠  
以記公行事而歷訪乃無一得蓋公既不以名蹟遺後故遺老  
亦無傳者相距三甲子矣嗟乎以文正公之淺陋曾何足知公而區  
區企竦敬慕如將見之者徒以文正公所薦而文富司馬諸  
公之所遊也公既老以天章閣待制歸維世所傳者英圖有公  
像余因得取之其出處大致在國史不論第論世傳者英圖有公  
前無祠於公不為少而今有祠不能為公多使人知夫翹翹之  
名察察之行凡為一世之所慕  
耀而爭趨者皆公之細焉爾

賈公祠在無為州北門外祀宋賈易

米公祠在無為州署墨池上祀宋米芾久圯

二狀元祠在無為州祀宋元豐狀元焦蹈明永樂甲辰狀元邢



寬久圮

巢湖神廟在巢縣南銀瓶山上

二賢祠在巢縣萬家山麓祀巢父許由

范亞父祠在巢縣治內祀楚范增

居巢子祠在巢縣學內祀唐劉知幾

姚公廟在巢縣東山岡祀宋姚興

甯公祠在巢縣北門祀知縣甯承勳

鳳陽府

社稷壇在府城南一里

神祇壇在府城南門外

先農壇在府治東郊雍正四年遵建

文廟建置詳學校

關帝廟在府治西門雍正五年奉

旨追封三代公爵春秋同日祭於後殿

文昌廟嘉慶六年奉

旨仿關帝廟一例致祭

城隍廟在府城西門外感應坊

龍神廟在府城南門外老人橋北

火神廟在府城南門內

劉猛將軍廟在府城西門外

昭忠祠

厲壇在府城北以上壇廟所屬縣皆如制

彭祖祠在鳳陽縣雲母山相傳彭祖閉氣修鍊服雲母石後人

於此立祠宋蘇軾詩空餐雲母連山盡不見蟠桃著子時

黑水將軍廟在鳳陽縣明統志宋嘉定間郡守柴將軍鑄鐵像刻云濠水之北淮河之南於汝鎮守億千萬年名宦祠在府學祀明戶部尚書年富

袁端敏公祠在縣臨淮鄉祀漕督袁甲三附巡撫喬松年記自古循良之吏功在一官一邑既沒而民不能忘或尸祝而社稷之於當時而民或不懷其惠論者謂臨民與治軍為道不同然如項城袁公視師臨淮既薨而邦人思之弗衰繼於官請建祠奉祀又獨異邪以謂公馭士嚴而有恩愛民而無擾故軍與民咸德公猶淺之乎言公也當粵賊入皖勢橫甚皖北郡縣遊散破壞公以孤軍踞皖豫之交張樂行踞於北奸民苗厥後秉節督師粵賊陳玉成逞於南毫賊張樂行踞於北苗厥後秉節詐觀變降將跋扈恣肆旦夕發難肘腋之閒萬眾岌岌伺公一略復列城殲賊魁悍將帖服盡力苗沛霖雖有異志終徐公之任亦不敢發旋旋滅不為大患夫用兵之世雖安危常爭尺寸形勢要之起旋旋滅不為大患夫用兵之世雖安危常爭尺寸形勢之士得而守之愚者有地而弗能據棄一城而搖動四海深機濟大勳蓋公之力扼臨淮以控南北其利害之所關甚鉅其精

神智力之所措注甚遠雖天下後世猶將賴之而況於兩淮之民親受其利其又焉能一日忘公也余與公同歲通籍公官先達為御史直聲震中外迨以漕督持帥節余方為轉運使每得公書慷慨忠壯之氣涌溢言表至於審機慮事則深沈周慎計出萬全竊歎曩以直諫服公之勇知公初亦欲招之為用繼察其必叛嚴為之備密請討之當成豐十年京師有兵警侍郎勝保奏徵沛霖為帥勤王後又奏調偕往陝西討賊公皆力阻其說事得寢脫如所請資以兵柄使往陝西討賊公皆力阻其同治元年冬以病告歸陳州二年春沛霖乃叛公方奉命治團練於其鄉猶陰檄皖民俾勿從賊及公薨而沛霖旋伏誅人且以為公之神靈實陰有以相之也每與僚佐將士及淮人言及公靡不嗟歎思慕者先是有公舊部每與僚佐將士及淮人羣吏諸將鄉士大夫迺請祠公於臨淮余上其事於陳州於是為記以鏡諸石俾後之論世者知公功業之所在而因以究夫得失成敗又鳳陽縣西壩亦有袁端敏祠之形勢焉

禹廟在懷遠縣東塗山絕頂歲以六月六日致祭同治六年巡撫喬松年重修又宋蘇軾遊荆塗二山詩自注云塗山下有鯀

廟又宿州北月河北岸壽州北碇石山皆有禹廟 附明劉俊修

廟記 神禹氏功德萬世永賴不可泯者也 有廟祠之者塗山有

左傳杜預注塗山在壽州東北有禹會村與地記載濠州塗山

淮縣壽春即今之壽州懷遠縣乃鳳陽屬邑而鄰於壽州臨

南距淮河三里有壽州懷遠縣乃鳳陽屬邑而鄰於壽州臨

合焉考於書與輿地記徵於禹晚年巡狩蘇王之詩則塗山之

懷遠縣者無疑也若會稽則禹陵在縣塗山則以其娶於

亦來朝則後之會諸侯為稽山前之會諸侯為塗山則以其

哉今二州皆祠之者崇報功也今廟在懷遠塗山則以其

而治水始焉要之皆崇報功也今廟在懷遠塗山則以其

元陽太守左公承制命祭於神見祠宇圯廢命主持羽士許

力智工緣營煥然一新太守以書來南京請記之夫祀神治民

守之先務仲公致意禹廟而拳拳以文為請其事神誠敬何如

且知朝廷與鄉人所以享祀者在於尊尚道德不忘其功焉

啟廟在懷遠縣西南荆山之巔祀夏后啟今廢

三侯祠在懷遠縣學祀何立陳邦翰潘登貴今燬

貞烈祠在懷遠縣治西祀明花將軍妻郃夫人及諸從死者

項羽廟在定遠縣西六十里即羽迷失道處

包公祠在定遠縣治內祀宋包拯兵燬重建其在治西治南者

俱圯

孫叔敖廟在壽州南寔宇記在安豐縣東北二里崔實云孫叔

敖作期思陂以攻寇歷代遂於壇上立廟

君子祠在壽州東南六十里祀先賢宓子賤

畱犢祠在壽州城內西南隅祀漢壽春令時苗

鄧公廟在壽州南芍陂上九域志魏鄧艾屯田於壽春人賴其

利唐貞觀十五年立廟今廢

董子祠在壽州西祀唐孝子董邵南今廢

金公祠在城東南隅祀鳳廬道金光筋

僧忠親王祠在北門大街祀蒙古王僧格林沁

忠義祠在城東南祀壽鳳殉難官民婦女

孫氏專祠在城內鎮安坊祀州人孫家泰等蒙時中附焉

謝公祠在鳳臺縣八公山祀晉謝幼度

僧王廟在鳳臺縣北圩門外同治七年建祀蒙古忠親王僧格

林沁

劉黃二公祠在鳳臺縣城隍廟東祀南唐清淮節度使劉仁贍

明知州黃克纘今鳳臺移治下蔡還屬壽州

湯公祠在鳳臺縣治西祀明御史湯鼎今鳳臺移治下蔡還屬壽州

閔子祠在宿州北七十里祀先賢閔子騫

仲子祠在宿州西北睢溪口集祀先賢季路

相山廟在宿州西北九十里相山上晉太康五年建宋大觀中

封山神為崇惠侯

國朝乾隆二十四年恭奉

御書惠我南黎扁額

徐王廟在宿州王姓馬明孝慈皇后父也王缺嗣太祖追封為王即王所生里立廟

女媧廟在靈璧縣北門外

三忠祠在靈璧縣西祀明殉難知縣陳伯安主簿蔣賢壽州指

揮錢美

潁州府

社稷壇在府治西門外

神祇壇在府治南門外

先農壇在府治東郊雍正四年遷建

文廟建置詳學校

關帝廟在府治東門雍正五年奉

旨追封三代公爵春秋同日祭於後殿

文昌廟在西湖上嘉慶六年奉

旨仿關帝廟一例致祭

城隍廟在府治東門

龍王廟即張龍公祠在府城東三十里祈雨輒應附宋蘇軾記

昭靈侯南陽張公諱路斯隋之初家於頴上縣百社村年十六  
申明經科唐景龍中為宣城令以才能稱夫人石氏生九子自  
宣城罷歸常約於焦氏臺之陰一日顧見鈞處有宮室樓殿遂  
入居之自是夜出旦歸輒體寒而濕夫人驚問之曰我龍也  
蓼人鄭祥遠亦龍也與我爭此居明日以弓矢射青綃者中之忽  
絳綃者我也青綃者鄭也明九子以淮而青綃者投於台肥之  
而去公亦逐之所過為谿谷以達於淮而青綃者投於台肥之  
西山以死為龍穴山九子皆化為龍而石氏葬關洲公之兄為  
馬步使者子孫散居頴上其墓皆存焉事見之唐布衣趙耕之  
文而傳於頴父老之口載於歐陽文忠公之集古錄云自景  
龍以來頴人世祀之於焦氏臺乾甯中刺史王敬美始大其廟  
有宋乾德中蔡州大旱其刺史聞公之靈築祠於蔡既雨翰林

學士陶穀為記其事蓋自淮南至於陳蔡許汝皆奔走奉祀景  
德中建議大夫張秉詔益新頴上祠宇而熙甯中司封郎中  
張徽奏乞爵號詔封昭靈侯石氏柔應夫人廟有穴五往往見  
變異出雲雨或投器穴中則見於池而近歲有得蛻骨於池者  
金聲玉質輕重不常今藏廟中元祐六年秋旱甚郡守龍圖學  
士左朝奉郎蘇軾迎致其骨於西湖之行祠與吏民禱焉其應  
如響乃益治其廟作碑而銘之

火神廟在府治西門內

劉猛將軍廟在府治北門外

昭忠祠

厲壇在府治北門外以上壇廟所屬

松喬祠在府治西湖上祀漢郭憲陳蕃范滂以宋焦千之明盧

翰配

四賢祠在府治西湖上祀宋晏殊呂公著歐陽修蘇軾

二程子祠舊在府治王家衞衞今移建試院西

歐陽公祠在府治西湖上祀宋歐陽修

報功祠在府城西北隅祀宋太尉劉錡配以陳規汪若海并副

將趙樽許清曹成許充義勇耿訓韓宣

三忠祠在府治東門外祀元忠臣李黼及兄冕從子秉昭元史

李黼傳至正中黼為江州總管賊破城刺黼墜馬與從子秉昭

俱死郡民相率具棺葬於東門外兄冕居穎上亦死於賊事聞

詔立廟江州賜額崇烈

六貞祠在府治東門外祀漢范滂母明陳海妻李氏李深妻劉

氏周雨妻韓氏時銓妻李氏魏隆妻張氏附明胡袞記考於穎

六焉其一曰范母子孟博也慨然澄清甘死如飴而母能勉之

以正臨決數語慷慨然不以壽考易命名可謂知所擇矣夫是之

謂貞次時銓妻李氏方銓之歿李年十四四越月而生孤用

則紡績以撫用既長而娶生鯨而用夫婦又相繼逝矣七

二年而雨卒韓守志五十七年如一日雖父母不能奪次張恭

女年十七適魏隆甫四月而逆七犯穎被擄劇罵不辱而死夫

是四者皆貞也次曰劉氏舍餘李深妻也其寡之年視韓其志

與其壽視時李氏加三齡焉雖未亡而墓木拱矣是亦貞也於

是陳州之陳海妻李氏穎州人也夫卒辛勤事姑以孝稱教

子以祿養終焉雖歿於陳州而自出則穎也夫春秋魯史也宋

其姬紀伯姬之賢大書不一書內女也因著教焉然則李氏之

宜傳於穎無疑矣夫節義在天地間如水行流地未嘗一日息

烈之婦不必聞於時或雖聞而無為之傳者世久人湮與其聲

而俱泯耶嗣今不傳則六貞者將久而泯泯如所云亦未可知

也修飭先生既祠三忠妥神有口矣三忠之南數十步有祠不

載祀典則撤之而加新焉其制如三忠其工費可相彷彿其坊

石於祠俾成郡人之記哀既與有風教責敢不詳志以示勸哉

僧忠親王祠在府治昭忠祠舊址祀忠親王僧格林沁王蒙古

人同治開營帶兵剿賊於此

管鮑祠在穎上縣北管仲墓側

四賢祠在穎上縣北龍興寺旁祀管仲鮑叔甘茂甘羅

三公祠在穎上縣祀明僉事李天衢兵備謝肇鉉知縣廖維義

皆捍賊有功

女忠祠在霍邱縣北門內祀明知縣黃日芳妻陳氏妾李氏崇

禎乙亥流賊陷城赴水死

湯王祠在亳州北渦河二里以伊尹仲虺配後為太甲祠以伊

陟咎單配

漢光武廟在亳州東三十里

泣杖祠在亳州城東義門集祀漢孝子韓伯俞

巴延一作伯顏據一統志改正祠在亳州東城父村福臨鎮元至正中敦義

校尉巴延為民殺賊被害後人於其被難處立祠以祀

華祖廟在亳州城東北隅祀漢華佗嘉慶二年巡撫朱珪命知

州李廷儀修

陳希夷祠在亳州北關外

三烈祠在亳州東門外祀魏曹文叔妻夏侯氏明海壽妻李氏  
毛繼妻宋氏

二守惠政祠在亳州治西祀明知州吳必學張挺今廢

何忠壯祠在亳州北門外祀明殉難知州贈太僕寺少卿何燮

朱公祠在亳州北門外祀世襲一等侯前亳州知州朱之棟恭

字附崇祀名宦記維乾隆甲子十月二日先大夫蒼巖府君奉

請也越明年乙丑五月小子霖以盧州守調守松江因得士民之  
舉見聞所逮暨士庶後奉木主以祀祀畢羣請以事誌諸石爰  
玉蒼巖其疏也性廉明仁厚喜書史事君親接眾庶立身行己  
無一不衷於道年二十出為福建建陽令即有政聲未一載擢  
四川忠州知州時川建當寇蹂躪之餘井邑空虛田疇荒蕪  
先大夫以民瘼未起如治病瘵者亟宜培元氣省刑薄稅節  
食用減僕從躬問民疾苦兩地流亡者以次漸復隨丁王父艱  
惜不能久於其任服闋除亳州牧有諷文事非建陽忠州比也  
繁劇區其俗獷悍多奸猾險健好訟輕文事非建陽忠州比也  
子其慎諸豪蠹十餘人立致重法諸奸猾皆股慄懾伏尋悔過  
日即訪拳豪蠹十餘人立致重法諸奸猾皆股慄懾伏尋悔過

自改迹有訟於庭者為平心剖斷摘發若神自後人無敢亂法  
犯禁一州積習頓除徐得以文事化導之其人誦讀其下助以變  
樓傾頹已久捐俸金修之選能文者數十人誦讀其下助以變  
化氣質陶淑情性由是士習端方文風丕振壬午鄉舉吳君楚  
奇名冠南閩咸以為勸學興賢之驗他如免義門之稅給流亡  
之銀身被其澤者至今歷數世猶頌德不衰閱幾年因建陽以  
內細事例得降者至我父聞之倉皇告環公堂號泣者頃刻以  
萬計日願以萬口贖我父聞之倉皇告環公堂號泣者頃刻以  
斯土體願以萬口贖我父聞之倉皇告環公堂號泣者頃刻以  
調方重感激而爾等乃爾不益吾罪過耶眾咸稱職之日某以薄德牧  
終聚泣不忍散無已由便門出署眾哭隨之旋奔省籲大中丞  
范公大丞憫其情為疊疏代請聖祖仁皇帝施格格外  
之恩可其奏因復留毫後十二年擢安慶府同知有倡前此之  
議者遂各頂益香具酒脯泣而送之建生祠於北門外繪像以  
祀歲時相向拜祝與在毫時無異康熙四十八年毫地水災田  
廬漂沒民不聊生制撫知先大夫素得民心特檄往辦賑復  
如毫與故土民相見制撫知先大夫素得民心特檄往辦賑復  
後賑恐數萬生靈不待因先設法措處散窮困至此俟請命  
廷詔大賑躬自董率閱晝夜無倦容俾老幼廢疾咸沾實惠全  
活民無算佐理皖城歷八載擢直隸宣化府知府調正定府  
知府任未久值皖城歷八載擢直隸宣化府知府調正定府  
仁皇帝遺詔訪求明代後裔特調進京引見蒙  
侯爵奉祀先陵先為鑲白旗後披入正白旗兼管都統某年

日以疾終嗚呼先大夫一生宦績惟以實心實政故能推廣  
一十八年之久斯其積於民者獨深且厚宜其尸祝俎豆歷三  
十餘年思之如一日也乾隆七年小子霖以部郎奉  
旨監賑江南徧歷鳳泗等處宣布皇恩稽察賑弊毫  
於頌為屬邑流民襁負相驚喜傳告爭扶老攜幼避道中  
日此吾故州牧朱父母也昔吾父母惠愛無窮而賑濟災黎  
尤多奇績今閱數十年君其復來活我環觀霖咨止日與吾  
父母無異因感泣涕零相向問故野哭未已而有起而南者日吾  
知母已沒其德澤常存於毫語云有功德於民者祀之非吾  
父母已沒其德澤常存於毫語云有功德於民者祀之非吾  
母誰當之歟盡請崇祀名宦以垂不朽遂條舉善政卓非吾  
十餘事白於上憲而與夫聞於所以垂不朽遂條舉善政卓非吾  
夫之所以施於民與夫聞於所以垂不朽遂條舉善政卓非吾  
疎則而非有所勉強飾於其間卒以信孚邦國誠格  
宸聰賜爵受封顯榮褒大歷膺三朝之寵命是足以表  
見於後世而為身司牧者勸也豈獨積善成德宜享其隆為  
子孫之庇賴也哉爰因都人士之請為述其梗槩以勒諸石

漢光武廟在太和縣西北七十里  
萊公祠在太和縣祀宋寇準  
萊公名儼然明萬歷間任太和士



趙公祠在太和縣祀明趙夔報始築城也

吳公祠在太和縣祀明知縣吳世濟附吳簾建祠碑記歸安吳

生諱世濟以前明崇禎七年任太和令甫下車即課農桑積貯編保甲練鄉兵修城垣飭戒器信賞必罰民有固志時寇熾於西邑中故多西人行賈者上官概令徙遠近戒嚴時廩無和為京輔者聽西人之居無何寇警日迫遠近戒嚴時廩無正之行可省請發官兵則豺狼入室故求援之議勿庸計惟死守勿去一策賊果以正月十一日破潁州城十五日乘勝攻太邑先生登城望賊慨然曰賊不足平也即令署典史任光表訓導朱之彥巡檢曾明睿候補巡檢何鍾斗賈先榮各率鄉兵分守五門賊眾攻益急城中令益嚴氣益銳矢貫酋婦之面刀割西寇之腹殲宵謀於城闥斃渠魁於磨石賊眾二千餘相持晝夜死者百餘人傷者千餘人遂倉皇北遁此縣城之捷也而太邑賴以存是年八月賊於潁之田中營潛窺界首集先生以銳師扼諸河賊不得渡諭知有備不敢近城亦不可野掠九月略乘其熟寢擾而潰之生擒巨寇二十名酋婦二名斬級八又擊賊於半渡賊不習水三舟同時覆二百餘賊無一免者此王用官集與界首集之捷也而太邑賴以固是月十二日以風警鳴預部勒丁勇三面設伏命賊至擊破舉炬城中鳴礮呼噪應

之又於城北樓上高聲唱名鼓吹迭奏若點兵出城狀夜漏一下賊果銜枚宵遁遂出不意突擊之伏兵復鼓噪乘之賊駭潰斬級十有八生擒二十有三此八里鋪之捷也而太邑安如磐石矣一歲中賊兵三至彈丸之地無重鎮無宿餉無以川之設險卒能驅狂寇而保危城嗚呼偉哉後先生百八十年服官新土聞先生禦寇始未憬然有慕遂謀之者士請之上官捐俸建祠祀先生於茲邑其同時立功者并列焉記曰能禦大災則祀之能捍大患則祀之以先生禦災捍患式欲祀生有殊勳歿無愧色俾後之聞風興起者為保障不為繭絲豈非太和士民之幸歟亦豈獨太和士民之幸歟謹倡捐歲祀牲醴銀八兩申請立案并立石祠下以告來者所望後之君子其祠承祭承久勿替焉是則區區表章先生之意也夫

莊子祠在蒙城縣祀莊周宋縣令王兢建今毀

岳武穆祠在蒙城縣西北三十五里今圯

七節祠在蒙城縣東南祀謝氏等七節婦今圯

表貞祠在蒙城縣祀節婦盧李謝丁韓王韓莊田牛劉許周許

蔡劉魏李劉李季烈女韓戴時等二十四人今圯

僧王祠在蒙城縣西門內祀蒙古忠親王僧格林沁同治初王

重刊... 卷三十三  
統兵剿賊於此

俞公祠在蒙城縣西門內祀知縣俞澍

忠王祠在渦陽縣東門內祀蒙古忠親王僧格林沁同治八年

建

